

ЎЗБЕКИСТОН РЕСПУБЛИКАСИ
ҚОНУН ҲУЖЖАТЛАРИ
ТЎПЛАМИ

13-сон
(49)
2002 й.
июль

Ўзбекистон Республикаси Қонун ҳужжатлари тўплами тўрт бўлимдан иборат:

тўпламнинг биринчи бўлимида Ўзбекистон Республикаси қонунлари ва Олий Мажлиснинг қарорлари эълон қилинади;

иккинчи бўлимда Ўзбекистон Республикаси Президентининг фармон ва фармойишлари эълон қилинади;

учинчи бўлимда Вазирлар Маҳкамасининг қарор ва фармойишлари эълон қилинади;

тўпламнинг тўртинчи бўлимида Ўзбекистон Республикаси Конституциявий судининг қарорлари эълон қилинади.

МУНДАРИЖА

Иккинчи бўлим

98. «2002 йилнинг 1 августидан бошлаб иш ҳақи, пенсиялар, стипендиялар ва ижтимоий нафақалар миқдорини ошириш тўғрисида» Ўзбекистон Республикаси Президентининг 2002 йил 1 июлдаги ПФ-3101-сон Фармони
99. «Республика енгил саноатини бошқаришни такомиллаштириш тўғрисида» Ўзбекистон Республикаси Президентининг 2002 йил 1 июлдаги ПФ-3102-сон Фармони
100. «Матбуот ва ахборот соҳасида бошқарувни такомиллаштириш тўғрисида» Ўзбекистон Республикаси Президентининг 2002 йил 3 июлдаги ПФ-3103-сон Фармони
101. «Ўзбекистон Республикаси ҳудудига истеъмол товарлари олиб келинишини тартибга солиш тўғрисида» Ўзбекистон Республикаси Президентининг 2002 йил 11 июлдаги ПФ-3105-сон Фармони

Учинчи бўлим

103. «Республика енгил саноатини ривожлантириш ва бошқаришни ташкил этишни такомиллаштириш чора-тадбирлари тўғрисида» Ўзбекистон Республикаси Вазирлар Маҳкамасининг 2002 йил 2 июлдаги 240-сон қарори [Кўчирма]
104. «Ўзбекистон матбуот ва ахборот агентлигининг фаолиятини ташкил этиш тўғрисида» Ўзбекистон Республикаси Вазирлар Маҳкамасининг 2002 йил 3 июлдаги 241-сон қарори

105. «Электр тармоқлари ва иншоотларини муҳофаза қилиш қоидаларини тасдиқлаш тўғрисида» Ўзбекистон Республикаси Вазирлар Маҳкамасининг 2002 йил 5 июлдаги 243-сон қарори
106. «Биржадан ташқари валюта бозорини янада ривожлантириш чора-тадбирлари тўғрисида» Ўзбекистон Республикаси Вазирлар Маҳкамасининг 2002 йил 12 июлдаги 247-сон қарори
107. «Жисмоний шахслар томонидан Ўзбекистон Республикаси ҳудудига товарлар олиб келинишини тартибга солишга доир қўшимча чора-тадбирлар тўғрисида» Ўзбекистон Республикаси Вазирлар Маҳкамасининг 2002 йил 12 июлдаги 248-сон қарори
108. «Савдо ва умумий овқатланиш корхоналарига солиқ солиш тартиби тўғрисида» Ўзбекистон Республикаси Вазирлар Маҳкамасининг 2002 йил 12 июлдаги 249-сон қарори

ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

98 2002 йилнинг 1 августидан бошлаб иш ҳақи, пенсиялар, стипендиялар ва ижтимоий нафақалар миқдорини ошириш тўғрисида

Республика аҳолисининг турмуш даражасини янада ошириш ва фуқароларнинг ижтимоий муҳофазасини кучайтириш мақсадида:

1. 2002 йилнинг 1 августидан бошлаб бюджет муассасалари ва ташкилотлари ходимларининг иш ҳақи, барча турдаги пенсиялар ва ижтимоий нафақалар, олий ўқув юртлари талабаларининг, ўрта махсус, касб-хунар билим юртлари ўқувчиларининг стипендиялари 1,15 баравар оширилсин.

2. 2002 йилнинг 1 августидан бошлаб Ўзбекистон Республикаси ҳудудида энг кам:

иш ҳақи — ойига 4535 сўм;

ёшга доир пенсиялар — ойига 8970 сўм;

ягона тариф сеткаси бўйича бошланғич (нулинчи) разряд — ойига 4535 сўм;

болалиқдан ногиронларга бериладиган нафақа — ойига 8970 сўм;

зарур иш стажига эга бўлмаган кекса ёшдаги ҳамда меҳнатга лаёқатсиз фуқароларга бериладиган нафақа — ойига 5435 сўм миқдоридан белгилансин.

3. Белгилаб қўйилсинки, иш ҳақига қўшиладиган устама ва қўшимча ҳақларнинг барча турлари, шунингдек пенсиялар, икки ёшгача бўлган болаларни тарбиялаётган оналарга, болалиқ оилаларга бериладиган нафақалар ҳамда энг кам иш ҳақига нисбатан белгиланган бошқа тўловлар 2002 йил 1 августидан бошлаб мазкур Фармонда белгиланган энг кам иш ҳақи миқдоридан келиб чиққан ҳолда амалга оширилади.

4. Ўзбекистон Республикаси Меҳнат ва аҳолини ижтимоий муҳофаза қилиш вазирлиги вазирликлар, идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари, бюджетдан молияланадиган ташкилот ва муассасалар билан биргаликда мазкур Фармон қоидаларидан келиб чиққан ҳолда пенсиялар, нафақалар, стипендиялар ҳамда бюджет муассасалари ва ташкилотлари ходимларининг мансаб маошлари миқдорини ўз вақтида қайта ҳисоблаб чиқишни таъминласинлар.

5. Бюджет муассасалари ва ташкилотлари ходимларининг иш ҳақи, пенсиялар, нафақа ва стипендияларнинг оширилиши билан боғлиқ харажатлар республика Давлат бюджети ва бюджетдан ташқари Пенсия жамғармаси ҳисобидан амалга оширилсин.

6. Хўжалик ҳисобидаги корхона ва ташкилотлар ишлаб чиқариш самарадорлигини ошириш ҳамда меҳнат сарфини камайтириш ҳисобидан белгиланган тартибда 2002 йил 1 августидан бошлаб иш ҳақи миқдорини мазкур Фармонда белгиланган энг кам иш ҳақи миқдorigа мувофиқ оширсинлар.

7. Ўзбекистон Республикаси Президентининг 2002 йил 26 мартдаги ПФ-3045-сон Фармони ўз кучини йўқотган деб ҳисоблансин.

Ўзбекистон Республикаси Қонун ҳужжатлари тўплами, 2002 й.

8. Ушбу Фармон матбуотда эълон қилинсин.

Ўзбекистон Республикасининг Президенти И. КАРИМОВ

Тошкент ш.,
2002 йил 1 июль,
ПФ-3101-сон

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

99 Республика енгил саноатини бошқаришни такомиллаштириш тўғрисида

Республика тўқимачилик, трикотаж, тикувчилик ва чинни саноати тармоқларини янада ривожлантириш ҳамда уларни бошқариш тизимини такомиллаштириш учун қулай шарт-шароитларни яратиш, бозор муносабатларини чуқурлаштириш, пахта толасини чуқур қайта ишлаш ҳисобига енгил саноат моллари ишлаб чиқаришни кўпайтириш ва экспорт салоҳиятини ошириш мақсадида:

1. Ўзбекистон енгил саноат моллари ишлаб чиқариш давлат уюшмаси (Ўзбек-енгилсаноат)ни Енгил саноат моллари ишлаб чиқариш давлат-акциядорлик компанияси «Ўзбекенгилсаноат» («O'zbekyengilsanoat») этиб қайта ташкил қилиш тўғрисида Вазирлар Маҳкамаси Истеъмол товарлари ишлаб чиқариш ва савдо комплексининг, Давлат мулки қўмитаси ва «Ўзбекенгилсаноат» уюшмасининг таклифлари қабул қилинсин.

2. Қуйидагилар Енгил саноат моллари ишлаб чиқариш давлат-акциядорлик компанияси «Ўзбекенгилсаноат» («O'zbekyengilsanoat») фаолиятининг асосий вазифалари ва йўналишлари деб ҳисоблансин:

ички ва ташқи бозорларнинг маркетинг тадқиқотларини амалга ошириш, тўқимачилик, трикотаж, тикувчилик ва чинни саноати молларига бўлган эҳтиёжнинг ўсишини ўрганиш ҳамда башорат қилиш;

республика истеъмол бозорининг аҳоли ўртасида харидоргир бўлган ватанимиз енгил саноатининг юқори сифатли моллари билан тўлдирилишини таъминлаш;

тармоқнинг экспорт салоҳиятини мустаҳкамлаш, компания корхоналари томонидан рақобатбардош моллар ишлаб чиқарилишини бутун чоралар билан кўпайтириш ҳамда уларнинг жаҳон бозорларига кириб боришини ташкил қилиш;

пахта толасидан, бошқа маҳаллий хомашё ва материаллар манбаларидан фойдаланишни чуқурлаштириш ҳамда унинг комплекслигини ошириш, ҳозирги вақтда импорт бўйича олиб келинаётган бутловчи буюмлар ва ёрдамчи ашёлар ишлаб чиқаришни ўзлаштириш;

тармоқда ягона техника ва инвестиция сиёсатини ўтказиш, тўқимачилик, трикотаж ва тикувчилик саноати корхоналарининг кооперациялашувига, ишлаб чиқаришни республиканинг аҳоли зич яшайдиган туманларида маҳаллийлаштиришга қўмаклашиш;

замонавий технологияларни жорий этиш, янги буюмлар ишлаб чиқаришни ўзлаш-

тириш, тармоқ корхоналарини янгилаш ва техника билан қайта қуроллантириш учун тўғридан-тўғри хорижий сармояларни кенг жалб этиш;

бозор ислохотларини ўтказишда, кадрлар тайёрлаш ва уларнинг малакасини оширишни ташкил этишда компания корхоналарига ёрдам кўрсатиш.

3. «Ўзбекистон ССР Енгил саноат вазирлиги негизида Ўзбекистон енгил саноат моллари ишлаб чиқариш давлат уюшмаси («Ўзбекенгилсаноат»)ни ташкил этиш тўғрисида» Ўзбекистон Республикаси Президентининг 1991 йил 6 майдаги ПФ-202-сон Фармони ўз кучини йўқотган деб ҳисоблансин.

4. Ўзбекистон Республикаси Вазирлар Маҳкамаси ўн кун муддатда ушбу Фармонни ижро этиш юзасидан қарор қабул қилсин.

Ўзбекистон Республикасининг Президенти И. КАРИМОВ

Тошкент ш.,
2002 йил 1 июль,
ПФ-3102-сон

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

100 Матбуот ва ахборот соҳасида бошқарувни такомиллаштириш тўғрисида

Ўзбекистон Республикасининг «Оммавий ахборот воситалари тўғрисида» ва «Ноширлик фаолияти тўғрисида»ги Қонунларига мувофиқ ҳамда мамлакат ижтимоий ҳаётини демократлаштириш ва эркинлаштириш шароитида республика аҳолисининг ахборотга бўлган талаб-эҳтиёжларини янада тўлиқроқ қондириш, оммавий ахборот воситалари, ноширлик ишлари ва матбаачиликни кенг қўламда ривожлантиришга қўмаклашиш, ахборот хизматларининг замонавий бозорини шакллантириш мақсадида:

1. Ўзбекистон Республикаси Давлат матбуот қўмитаси Ўзбекистон Республикаси матбуот ва ахборот агентлиги этиб қайта ташкил қилинсин.

2. Қуйидагилар Ўзбекистон Республикаси матбуот ва ахборот агентлигининг асосий вазибалари этиб белгилансин:

оммавий ахборот воситаларининг мустақил фаолиятига доир конституциявий ҳуқуқлар ва қонунчиликнинг сўзсиз бажарилиши, сўз ва матбуот эркинлиги кафолатлари таъминланиши мониторингини олиб бориш;

республика фуқароларининг ахборотга бўлган талаб-эҳтиёжларини янада тўлиқроқ қондириш, аҳолининг, аввало ўсиб келаётган ёш авлоднинг билим, маънавий ва маданий савиясини ошириш манфаатларидан келиб чиққан ҳолда оммавий ахборот воситаларини, ноширлик ишлари ва матбаачиликни кенг миқёсда ривожлантиришга қўмаклашиш;

ноширлик ва матбаачилик фаолияти, оммавий ахборот воситалари, даврий нашрларни тарқатиш. шу жумладан, мазкур фаолият турларида рўйхатга олиш ишларини бажариш соҳаларида давлат сиёсатини амалга ошириш;

нашриётлар, оммавий ахборот воситалари, телевидение, радиоэшиттириш ҳамда

республика ахборот бозорининг бошқа қатнашчилари томонидан ахборот соҳасида амалдаги қонунчиликка риоя этилиши устидан мониторингни амалга ошириш;

ахборот тайёрлаш, тарқатиш ва ундан фойдаланиш соҳасида республика фуқаролари ҳамда юридик шахсларининг ҳуқуқ ва манфаатлари ҳимоя этилишини таъминлаш; ноширлик фаолиятини лицензиялашни ташкил қилиш;

ноширлик ва матбаачилик фаолиятида, даврий нашрларни тарқатишда ягона техникавий сиёсат ўтказиш;

реклама тайёрлаш, шунингдек уни оммавий ахборот воситалари орқали тарқатиш соҳасида давлат сиёсатини ишлаб чиқиш ва амалга оширишда қатнашиш;

ноширлик-матбаачилик фаолиятининг ишлаб чиқариш-техника базасини ривожлантириш ва янгилаш, стандартлаштириш ҳамда сертификациялаш соҳасидаги чоратадбирларни ишлаб чиқиш ва амалга ошириш.

3. Қорақалпоғистон Республикаси Матбуот қўмитаси Қорақалпоғистон Республикаси матбуот ва ахборот агентлиги этиб;

вилоят ҳокимликлари ҳузуридаги матбуот ҳудудий бошқармалари тегишли равишда матбуот ва ахборот ҳудудий бошқармалари этиб қайта ташкил қилинсин.

Тошкент шаҳар ҳокимлиги ҳузурида матбуот ва ахборот ҳудудий бошқармаси ташкил этилсин.

4. Ўзбекистон Республикаси матбуот ва ахборот агентлигига цензура, таҳрир қилиш, тақиқлаш ҳамда оммавий ахборот воситалари фаолиятига ўзгача тарзда ғайриқонуний аралаштириш қатъиян ман этилади.

5. Ўзбекистон Республикаси матбуот ва ахборот агентлигига матбуот ва ахборот соҳасидаги қонунчиликни бузувчи давлат бошқаруви органларига, жойлардаги ҳокимият органларига, хўжалик юритувчи субъектлар ва уларнинг мансабдор шахсларига ўз ваколати доирасида, қонунчиликда белгиланган тартибда қарорлар (тақдимномалар) юбориш ҳуқуқи берилсин.

Белгилаб қўйилсинки, Агентликнинг ўз ваколати доирасида қабул қилган қарорлари ва тақдимномалари вазирликлар, идоралар, маҳаллий ҳокимият ва бошқарув органлари, муассасалар ва ташкилотлар, мулкчилик шаклидан қатъи назар хўжалик юритувчи субъектлар ва уларнинг бирлашмалари, мансабдор шахслар ва фуқаролар томонидан ижро этиш учун мажбурий ҳисобланади.

Оммавий ахборот воситалари ҳамда нашриётлар томонидан матбуот ва ахборот соҳасидаги қонунчилик мунтазам равишда бажарилмаган ҳолларда Ўзбекистон Республикаси матбуот ва ахборот агентлиги уларга берилган лицензия ҳамда рўйхатга олиш тўғрисидаги гувоҳноманинг амал қилишини суд орқали тўхтатиб қўйишга ҳақлидир.

6. Ўзбекистон Республикаси Адлия вазирлиги тегишли идоралар билан бирга, бир ой муддат ичида қонунчиликка ушбу Фармондан келиб чиқадиган ўзгартириш ва қўшимчалар киритиш тўғрисидаги таклифларни Вазирлар Маҳкамасига тақдим этсин.

7. Ўзбекистон Республикаси Вазирлар Маҳкамаси бир ҳафта муддатда мазкур Фармонни ижро этиш юзасидан қарор қабул қилсин.

8. Ушбу Фармон матбуотда эълон қилинсин.

Ўзбекистон Республикасининг Президенти И. КАРИМОВ

Тошкент ш.,
2002 йил 3 июль,
ПФ-3103-сон

Ўзбекистон Республикаси Қонун ҳужжатлари тўплами, 2002 й.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

101 Ўзбекистон Республикаси ҳудудига истеъмол товарлари олиб келинишини тартибга солиш тўғрисида

Ўзбекистон Республикаси ҳудудига истеъмол товарлари олиб келинишини тартибга солиш мақсадида:

1. 2002 йилнинг 1 августидан бошлаб ноозик-овқат истеъмол товарлари олиб келадиган юридик шахслар учун истеъмол товарлари импортига амалдаги божхона тўловлари билан бир қаторда тўланадиган йиғим жорий этилсин.

2. Белгилаб қўйилсинки, 2002 йилнинг 1 августидан бошлаб истеъмол товарларини олиб келиш чоғида юридик шахслар томонидан божхона тўловларини тўлаш бўйича имтиёзлар бекор қилинади, иловада кўрсатилган товарлар бундан мустаснодир.

3. Ўзбекистон Республикаси Давлат божхона қўмитасига божхона қонунчилигини бузган ҳолда Ўзбекистон Республикасининг божхона ҳудудига товарлар олиб келиниши фактлари аниқланган, жиноят аломатлари мавжуд бўлмаган тақдирда ҳуқуқбузарлик буюмларини мусодара этиш ҳуқуқи берилсин.

4. Ўзбекистон Республикаси Вазирлар Маҳкамаси бир ҳафта муддатда ушбу Фармонни амалга ошириш бўйича қарор қабул қилсин.

5. Ўзбекистон Республикаси Адлия вазирлиги Ўзбекистон Республикасининг тегишли вазирликлари ва идоралари билан бирга ўн кун муддатда амалдаги қонунчиликка мазкур Фармондан келиб чиқадиган ўзгартириш ва қўшимчалар бўйича таклифларни кўриб чиқиб, Ўзбекистон Республикаси Вазирлар Маҳкамасига тақдим этсин.

6. Ушбу Фармоннинг ижросини назорат қилиш Ўзбекистон Республикаси Бош вазирининг ўринбосари Р.С. Азимов зиммасига юклатилсин.

Ўзбекистон Республикасининг Президенти И. КАРИМОВ

Тошкент ш.,
2002 йил 11 июль,
ПФ-3105-сон

Ўзбекистон Республикаси Президентининг
2002 йил 11 июлдаги ПФ-3105-сон Фармониغا
ИЛОВА

**Импорт қилинганида амалдаги қонунчиликка мувофиқ
юридик шахслар томонидан божхона тўловларини тўлаш
бўйича имтиёзлар сақланиб қоладиган истеъмол товарлари
рўйхати**

Т/р	Товарларнинг номи	Божхона тўлови тури
1.	Импорт бўйича олиб келинадиган дори-дармонлар ва тиббий аҳамиятдаги буюмлар	Қўшилган қиймат солиғи
2.	Инсонпарварлик ёрдами сифатида олиб келинадиган товарлар	Қўшилган қиймат солиғи ва божхона пошлинаси
3.	Олиб келинадиган компьютер техникаси ва унинг бутловчи қисмлари, дастурий воситалар	Қўшилган қиймат солиғи, акциз солиғи ва божхона пошлинаси
4.	Эркин савдо режими ўрнатилган давлатларда ишлаб чиқарилган ва олиб келинадиган товарлар	Божхона пошлинаси
5.	Ўзбекистон Республикаси Хукумати номидан ёки унинг кафолати остида тузилган ҳукуматлараро ва кредит битимлари бўйича етказиб бериладиган товарлар	Божхона пошлинаси
6.	Кўргазмалар учун экспонатлар, реклама ва тақдимотлар сифатида олиб келинадиган товарлар	Божхона пошлинаси
7.	Ўзбекистон Республикасининг қонунчилиги ёки халқаро шартномалари асосида пошлинасиз олиб келиш ҳуқуқига эга бўлган хорижий давлатлар вакиллари, жисмоний шахслар томонидан расмий ёки шахсий фойдаланиш учун Ўзбекистон Республикаси божхона ҳудудига олиб келинадиган товарлар	Божхона пошлинаси
8.	Жисмоний шахслар томонидан божхона чегараси орқали олиб ўтиладиган ва божхона қонунчилигига мувофиқ ишлаб чиқариш ёки ўзгача тижорат фаолияти учун мўлжалланмаган товарлар	Божхона пошлинаси

УЧИНЧИ БЎЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

103 Республика енгил саноатини ривожлантириш ва бошқаришни ташкил этишни такомиллаштириш чора-тадбирлари тўғрисида

[Кўчирма]

Ўзбекистон Республикаси Президентининг «Республика енгил саноатини бошқаришни такомиллаштириш тўғрисида» 2002 йил 1 июлдаги ПФ–3102-сон Фармони-ни бажариш ҳамда тўқимачилик, трикотаж, тикувчилик ва чинни саноати корхоналарини жадал ривожлантиришни рағбатлантириш, тармоқ корхоналарини акциялаштириш жараёнларини чуқурлаштириш ва уни ташкил этиш тизимини такомиллаштириш мақсадида Вазирлар Маҳкамаси **қарор қилади:**

1. Вазирлар Маҳкамасининг Истеъмол товарлари ишлаб чиқариш ва савдо комплекси, Ўзбекистон Республикаси Макроиктисодиёт ва статистика вазирлиги томонидан ишлаб чиқилган 2005 йилгача бўлган даврда тўқимачилик ва енгил саноат корхоналарини ривожлантириш Концепцияси 1-иловага мувофиқ маъқуллансин.

«Ўзбекенгилсаноат» («O'zbekyengilsanoat») давлат-акциядорлик компанияси бошқарувида Вазирлар Маҳкамасининг Истеъмол товарлари ишлаб чиқариш ва савдо комплекси, Ўзбекистон Республикаси Макроиктисодиёт ва статистика вазирлиги билан келишган ҳолда, зарурат бўлганда 2005 йилгача бўлган даврда тўқимачилик ва енгил саноат корхоналарини ривожлантириш Концепциясида назарда тутилган инвестиция лойиҳалари рўйхатига ўзгартиришлар киритишга рухсат этилсин.

2. Белгилансинки:

«Ўзбекенгилсаноат» («O'zbekyengilsanoat») енгил саноат товарлари ишлаб чиқариш давлат-акциядорлик компанияси «Ўзбекенгилсаноат» уюшмасининг ҳуқуқ ва мажбуриятлари бўйича ҳуқуқий вориси ҳисобланади;

«Ўзбекенгилсаноат» («O'zbekyengilsanoat») давлат-акциядорлик компанияси таркибига мулкчиликнинг турли шаклларидаги, пахта толасини қайта ишлаш, трикотаж, тикувчилик ва чинни буюмлар ишлаб чиқариш, шунингдек компания уставига зид бўлмаган бошқа фаолият турлари билан шуғулланувчи корхона ва ташкилотлар кириши мумкин;

«Ўзбекенгилсаноат» («O'zbekyengilsanoat») давлат-акциядорлик компанияси апарати таъминоти ўз хўжалик фаолияти ва унинг таркибига шартнома асосида кирувчи хўжалик юритувчи субъектлар томонидан ўтказиладиган маблағлар ҳисобига амалга оширилади.

3. Қуйидагилар:

«Ўзбекенгилсаноат» («O'zbekyengilsanoat») енгил саноат товарлари ишлаб чиқариш давлат-акциядорлик компаниясининг ташкилий тузилмаси ва унинг таркибига кирувчи корхоналар рўйхати 2 ва 3-иловаларга* мувофиқ;

ходимларининг чекланган сони (хизмат кўрсатувчи ходимлардан ташқари)

* 2, 3-иловалар берилмайди.

58 кишидан иборат бўлган ижро этувчи аппарати тузилмаси 4-иловага* мувофиқ маъқуллансин.

4. Белгилаб қўйилсинки, «Ўзбекенгилсаноат» («O'zbekyengilsanoat») енгил саноат товарлари ишлаб чиқариш давлат-акциядорлик компаниясининг бошланғич устав сармояси компаниянинг устав сармоясидаги давлат улуши ҳисобига 5-иловага* мувофиқ акциядорлик жамиятларининг компанияга (тасарруф этиш ҳуқуқисиз) бериладиган акциялари давлат пакетлари, шунингдек қайта ташкил этилаётган «Ўзбекенгилсаноат» уюшмаси мол-мулки ҳисобига шакллантирилади.

Ўзбекистон Республикаси Давлат мулки қўмитаси қайта ташкил этилаётган «Ўзбекенгилсаноат» уюшмаси билан биргаликда акциядорлик жамиятларидаги акцияларнинг давлат пакетларини ва компания таркибига кирувчи қўшма корхоналардаги улушларни «Ўзбекенгилсаноат» давлат-акциядорлик компаниясига беришни белгиланган тартибда бир ой муддатда расмийлаштирсин.

5. Белгилаб қўйилсинки, «Ўзбекенгилсаноат» давлат-акциядорлик компанияси бошқаруви тўққиз кишидан, шу жумладан раис ва унинг уч нафар ўринбосаридан иборат бўлади, ўринбосарлардан бири биринчи ўринбосар ҳисобланади. Бошқарув раиси ва унинг ўринбосарлари белгиланган тартибда компаниянинг юқори бошқарув органлари томонидан сайланади ва Вазирлар Маҳкамаси томонидан тасдиқланади.

«Ўзбекенгилсаноат» давлат-акциядорлик компанияси бошқаруви раиси мақоми, маиший таъминот, тиббий ва транспорт хизмати кўрсатиш шароитлари бўйича вазирга, раиснинг биринчи ўринбосари — вазирнинг биринчи ўринбосарига, раис ўринбосарлари эса — вазир ўринбосарларига тенглаштирилсин.

«Ўзбекенгилсаноат» давлат-акциядорлик компанияси бошқаруви раисига зарурат бўлганда ижро этувчи аппарат тузилмасига белгиланган штатлар сони доирасида ўзгартиришлар киритишга рухсат берилсин.

6. «Ўзбекенгилсаноат» давлат-акциядорлик компанияси корхоналари 2005 йилгача бўлган даврда тўқимачилик ва енгил саноат корхоналарини ривожлантириш Концепциясига кирган объектларни қуриш ва техника билан қайта жиҳозлаш учун келтириладиган технология асбоб-ускуналари ва асбоб-ускуналарга эҳтиёт қисмлар учун божхона тўловлари тўлашдан (божхона расмийлаштируви учун йиғимлардан ташқари) истисно тариқасида 2006 йил 1 январгача озод қилинсин.

9. Ўзбекистон Республикаси Ҳукуматининг 8-иловага мувофиқ қарорлари ўз кучини йўқотган деб ҳисоблансин.

10. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари М.З. Усмонов зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2002 йил 2 июль,
240-сон

* 4, 5-иловалар берилмайди.

Вазирлар Маҳкамасининг
2002 йил 2 июлдаги 240-сон қарорига
1-ИЛОВА

2005 йилгача бўлган даврда тўқимачилик ва енгил саноат корхоналарини ривожлантириш Концепцияси

Кириш

Тўқимачилик ва енгил саноат корхоналарини ривожлантириш Концепцияси (кейинги ўринларда Концепция деб аталади) Ўзбекистон Республикаси Вазирлар Маҳкамасининг 2000 йил 27 мартдаги топшириғига мувофиқ, иккинчи чақириқ Олий Мажлис I сессиясида белгиланган иқтисодиётдаги ислохотлар ва қайта ўзгартиришларни чуқурлаштиришнинг умумдавлат стратегияси доирасида ишлаб чиқилган.

Концепцияда тармоқнинг ҳозирги аҳволига баҳо берилган ва 2005 йилгача бўлган даврда Ўзбекистон енгил саноатини ривожлантиришнинг асосий йўналишлари белги-ланган.

I. Тўқимачилик ва енгил саноат корхоналарини ривожлантириш Концепциясининг мақсади ва вазифалари

1.1. 2005 йилгача бўлган даврда республикада енгил саноатни ривожлантиришнинг муҳим йўналишлари бўйича ягона сиёсат стратегиясини белгилаш ушбу Концепциянинг мақсадидир.

Қуйидагилар енгил саноатни ривожлантириш Концепциясининг асосий вазифалари ҳисобланади:

мамлакатнинг иқтисодий мустақиллиги манфаатларини кўзлаб ип-газлама маҳсулотларини аҳоли, иқтисодиётнинг асосий тармоқлари ва соҳалари, мудофаа ва тўқимачилик маҳсулотлари экспортчилари эҳтиёжларини қондириш имконини берадиган ҳажмларда ишлаб чиқаришни таъминлаш;

тўқимачилик ва енгил саноат корхоналарини техника билан қайта жиҳозлаш ва замонавийлаштиришни амалга ошириш, маҳаллий хом ашё — пахта толасини чуқур қайта ишлашни кўпайтиришни таъминлайдиган янги, юқори самарали технологияларни жорий этиш;

маҳсулот ишлаб чиқариш ҳажмини кўпайтириш ва унинг турларини кенгайтириш, унинг ички ва ташқи бозорларда рақобатбардошлилигини ошириш, тармоқнинг экспорт потенциалини анча ўстириш;

тармоқда янги иш ўринлари яратиш, экология жиҳатидан хавфсиз ишлаб чиқаришларни ташкил этиш, тўқимачилик ва енгил саноат ходимларининг таълим даражасини ва махсус билимларини ошириш;

ўзаро боғлиқ тармоқлар, шу жумладан кичик ва ўрта бизнесни ривожлантириш учун моддий-техник базани шакллантириш.

1.2. Қўйилган мақсадга эришиш тармоқда таркибий қайта ўзгартиришлар, ишлаётган корхоналарни техник жиҳатдан янгилаш ва замонавийлаштириш, хорижий инвестицияларни жалб этган ҳолда янги, замонавий ишлаб чиқаришларни ташкил этиш, ишлаб чиқаришни бошқаришнинг бозор механизмларини жорий этиш билан боғлиқ бўлган вазифаларни ҳал қилишни назарда тутати.

Концепцияни рўёбга чиқаришда мавжуд ишлаб чиқариш фондлари ишга солина-

ди ва тўқимачилик саноати объектларининг илгари бошланган қурилишлари ниҳоясига етказилади.

II. Тармоқнинг ҳозирги аҳволини баҳолаш ва Концепцияни амалга ошириш заминлари

2.1. 90-йиллар бошида енгил саноат корхоналари асосан маънавий ва физик жиҳатдан эскирган, экспортга йўналтирилган маҳсулотлар ишлаб чиқаришга қодир бўлмаган асбоб-ускуналар билан жиҳозланган эди. Ушбу корхоналарда ўрнатилган технологик асбоб-ускуналар ва умуман меҳнат шароитлари замонавий талабларга жавоб бермасди.

Ишлаб чиқаришда 973,3 минг дона урчуқ ишга солинганди ва республикада тайёрланадиган пахта толасининг 10 фоиздан камроғи қайта ишланарди. Маҳсулотни экспорт қилиш 7,7 млн. АҚШ долларидан ошмасди.

Умуман минтақага хом ашё базаси сифатида қараларди, тайёр маҳсулот ишлаб чиқариш тармоғи (тикувчилик ва трикотаж тармоғи) ривожланмади.

2.2. Мустақилликка эришилгач ва Ҳукуматнинг қўллаб-қувватлаши туфайли тармоқда туб ўзгаришлар юз берди. Ўзбекистон Республикаси Вазирлар Маҳкамасининг «Енгил ва маҳаллий саноатни ривожлантиришни давлат томонидан қўллаб-қувватлаш чора-тадбирлари тўғрисида» 1996 йил 29 апрелдаги 166-сон қарори тармоқ корхоналарини техника билан қайта жиҳозлаш ва янги қувватларни ишга тушириш дастури бўлди.

Тармоқда 35 тадан ортиқ инвестиция лойиҳалари амалга оширилди, 152 млрд. сўмлик капитал қўйилмалар, шу жумладан 644,4 млн. АҚШ доллари миқдоридаги хорижий инвестициялар ўзлаштирилди. Пахта толасини қайта ишлашнинг йиллик ҳажми 240 минг тоннага (тайёрланган ҳажмнинг 24 фоизи) етказилди. 814 минг дона ип йиғириш урчуқлари — замонавий, юқори самарали тўқимачилик асбоб-ускунаси ишга туширилди. Бу мавжуд технологик асбоб-ускуналар паркининг 83,7 фоизини ташкил қилди. 733 млн. АҚШ доллари миқдоридаги маҳсулот экспорт қилинди. Қўшимча равишда 32 мингдан зиёд янги иш ўринлари яратилди.

Хорижий инвестицияларини жалб этган ҳолда Тошкент ва Тўйтепа шаҳарларидаги иккита йирик фабрикани бирлаштирган «Қабул-Ўзбек КО» ҚК, «Қабул-Фарғона Ко» ҚК, «Чиноз тўқимачи» ҚК, «Оқсарой тўқимачи Лтд» ҚК, «Косонсой Текмен» ҚК, «Папфен» ҚК ташкил этилди, «Наманган тўқимачи» АЖ, «Аснам тўқимачи» АЖ, «Қаштўқимачи», «Гурлан», «Антўқимачи» тўқимачилик комплекслари, «Қоракўлтўқимачи» ҚК, «Мидатўқимачи» ҚК ва бошқалар техника билан қайта жиҳозланди.

Маҳаллий маблағлар ҳисобига «Бухоротўқимачи» АЖ, «Чинобод ПТФ» АЖ, «Тоштўқимачи» АЖ, «Яккабоғ тўқувчилик фабрикаси» АЖ, Тошкент вилоятидаги крахмал ишлаб чиқариш заводида техника билан қайта жиҳозлаш ва қурилиш ишлари амалга оширилди.

Енгил саноат корхоналарида инвестицияларнинг ўсиши куйидаги рақамлар билан белгиланади — 1994 йилда енгил саноат корхоналарида хорижий инвестициялар ҳажми 5,25 млн. АҚШ долларини ташкил қилди, 2001 йилда ўсиш даражаси 644,4 млн. АҚШ долларига етди, 2002 йилда эса унинг 829,7 млн. АҚШ долларига етиши кутилмоқда.

Ҳозирги вақтда тармоқда 17 та қўшма корхона ишляпти, улар ишлаб чиқарган маҳсулотнинг тармоқда саноат маҳсулоти ишлаб чиқариш умумий ҳажмидаги салмоғи 2 фоиздан 30 фоизгача, экспорт салмоғи эса 17 фоиздан 88,1 фоизгача кўпайди.

2001 йилда «Хива гилами» АЖ базасида 2,3 млн. кв. м гилам ишлаб чиқариш бўйича

«Хива карпет» ҚК лойиҳасини амалга ошириш бошланди, Фарғона вилоятида 7,2 минг тонна калава ишлаб чиқариш бўйича «Бестекс» ҚК лойиҳасини ишлаб чиқиш тўлиқ тугалланди.

2002 йилда Бўка шаҳридаги (Тошкент вилояти) қурилиши тугалланмаган объектлар базасида Ўзбекистон-Корея ва Ўзбекистон-Япония қўшма корхоналари ташкил этиш лойиҳаларини ишлаб чиқиш бошланди.

Амалга оширилган ишлар натижасида энгил саноат маҳсулотларини экспорт қилиш ҳажмлари ошди. 2001 йилда маҳсулот экспорт қилиш 1994 йилдагига нисбатан 15,5 баравардан кўпроққа ошди ва 136,1 млн. АҚШ долларини ташкил қилди. 2002 йилда ушбу кўрсаткични 167,9 млн. АҚШ долларигача етказиш мўлжалланмоқда.

III. Тўқимачилик ва энгил саноатни ривожлантиришнинг асосий йўналишлари ва устуворликлари

3.1. 2005 йилгача бўлган даврда тармоқнинг 40 та корхонасида техника билан қайта жиҳозлаш ва қурилишни тугаллаш назарда тутилмоқда, бу 2005 йилда пахта толасини қайта ишлаш бўйича қувватларни 469,1 минг тоннагача кўпайтириш имконини беради, улар 2005 йилгача босқичма-босқич ишга туширилади.

Ип-газлама ишлаб чиқариш тармоғида 2005 йилгача 24 та ишлаб турган корхона техника билан қайта жиҳозлаш, 14 та объект қурилишини таъминлаш мўлжалланган, бу ишлаб чиқарилаётган маҳсулот сифатини ошириш ва уларнинг турларини кенгайтириш имконини беради. Тўқимачилик соҳасига капитал қўйилмалар миқдори 2002-2005 йилларда 1033,8 млн. АҚШ долларини ташкил қилади (1-жадвал*).

Тикувчилик-трикотаж тармоғида 2005 йилгача трикотаж буюмлар ишлаб чиқаришни 89,2 млн. донагача (3 баравар) кўпайтириш мўлжалланмоқда. Тикувчилик-трикотаж тармоғига капитал қўйилмалар ҳажми 12,5 млн. АҚШ долларида ошади.

3.2. Барча бўғинларни бошқариш тизимларини янада такомиллаштириш, ташкилий тузилмаларни қайта ўзгартириш ва бозор асосидаги ишлаб чиқариш муносабатларини янада такомиллаштириш назарда тутилмоқда.

Энгил саноат корхоналарини бошқариш тизимини такомиллаштириш бўйича чоратадбирлар белгиланган. Ўзбекистон энгил саноат товарлари ишлаб чиқариш давлат уюшмаси («Ўзбекенгилсаноат»)ни «Ўзбекенгилсаноат» («O'zbekyengilsanoat») энгил саноат товарлари ишлаб чиқариш давлат-акциядорлик компаниясига айлантириш назарда тутилмоқда, унга қуйидаги асосий вазифалар ва фаолият йўналишлари юкланади:

тармоқни ривожлантиришнинг ягона техник, молиявий ва технологик сиёсатини ташкил этиш, унинг ялпи ички маҳсулотдаги улушини ошириш, тармоқда келишилган инвестиция сиёсатини ўтказиш, тўғридан-тўғри хорижий инвестицияларни жалб этиш, илғор саноат технологияларини жорий этиш, экспортга йўналтирилган маҳсулотлар ишлаб чиқариш учун корхоналарни замонавийлаштириш ва техника билан қайта жиҳозлаш;

ишлаб чиқаришларни маҳаллийлаштиришни ривожлантиришда энгил саноатнинг тўқимачилик, трикотаж ва тикувчилик тармоқлари корхоналарини кооперациялашга кўмаклашиш, янги ишлаб чиқаришларни ташкил этиш ва улардан фойдаланишга, маҳаллий капитал қўйилмаларни ва хорижий инвестицияларни ўзлаштиришга кўмаклашувчи хўжалик фаолиятини амалга ошириш;

тармоқда иқтисодий ислохотлар жараёнларини чуқурлаштириш, корхоналарни кенг қўламда акциялаштириш, Давлат акциядорлик компанияси таркибига кирувчи акциядорлик жамиятлари ва корхоналарини бошқаришда, уларнинг фаоллигини оши-

* 1-жадвал берилмади.

ришда қатнашиш, умумий манфаатларга риоя этиш ва тармоқни сифатли таркибий қайта ўзгартириш жараёнларини жадаллаштириш устидан ягона назоратни амалга ошириш;

пахта толасини қайта ишлаш, корхоналарни зарур материаллар, техника ресурслари билан таъминлаш, тайёр маҳсулотни экспортга сотиш соҳасида кооперациялашнинг янги ташкилий шакллари ривожлантириш;

аҳоли эҳтиёжлари ва талабини шакллантиришнинг ижтимоий аспектиларини ишлаб чиқиш, халқ истеъмол товарлари ишлаб чиқаришни ташкил этиш, аҳоли эҳтиёжларини янада тўлароқ қондириш масалаларини ҳал этишда саноат ва савдонинг ўзаро ҳамкорлигини мустаҳкамлаш;

тўқимачилик саноати маҳсулотларини кўргазма, реклама, маркетинг фаолиятини самарали амалга оширишни таъминловчи ихтисослаштирилган тузилмалар орқали ҳам ички бозорга, ҳам хорижий мамлакатлар бозорларига фаол киритиш.

3.3. Концепцияни амалга ошириш 2001 йилдагига нисбатан ип-калавалар ишлаб чиқаришни 406,0 минг тоннагача етказиш, уни 3,2 баравар кўпайтириш, хом сурп ишлаб чиқаришни 520,0 млн. узала метргача (1,7 баравар) кўпайтириш, трикотаж газламалар ишлаб чиқаришни 6,8 баравар, трикотаж, гилам ва тикувчилик буюмларини тегишли равишда 3; 2,6 ва 1,5 баравар кўпайтириш имконини беради (2-жадвал*). Уюшманинг экспорт потенциали 2000 йилдагига нисбатан 4,7 баравар кўпайтирилади ва 2005 йилда 650,0 млн. АҚШ долларигача етказилади.

IV. Ривожлантириш Концепциясини амалга ошириш натижалари ва иқтисодий самарадорлиги

Пахта толасини чуқур қайта ишлаш қувватларини оширишни назарда тутувчи Концепцияни амалга ошириш натижасида Ўзбекистон тўқимачилик саноатида ишлаб чиқаришларни технологиялар ва техника билан жиҳозлашни сифат жиҳатидан янгилаш назарда тутилмоқда.

4.1. Умуман олганда тўқимачилик ва енгил саноат корхоналарини ривожлантириш Концепцияси амалга оширилганда қуйидаги асосий натижаларга эришилади:

тўқимачилик саноатининг 26 та ишлаб турган корхонаси техника билан қайта жиҳозланади ва 14 та янги объекти қурилади (3-жадвал*);

тармоқ корхоналари томонидан пахта толасини қайта ишлашнинг республика бўйича умумий ҳажмдаги салмоғи 2001 йилдаги 24 фоиздан 2005 йилда 50 фоизгача кўпаяди;

саноат маҳсулоти ишлаб чиқариш ҳажми 2,2 баравар кўпаяди ва 2005 йилда 430,0 млрд. сўмни ташкил қилади;

тармоқ корхоналари оладиган фойда 5,3 баравар ошади ва 50,9 млрд. сўмни ташкил қилади;

қўшимча равишда 24,7 минг, шу жумладан қишлоқ жойларда — 13,1 минг иш ўринлари ташкил этилади;

хар йилги экспорт ҳажми 650 млн. АҚШ долларидан, шу жумладан ип-газламалар бўйича 180 млн. АҚШ долларидан (ўсиш 4,6 баравар), тайёр буюмлар бўйича 26,6 млн. АҚШ долларидан ошади ёки 4,3 баравар кўпаяди (4-жадвал*).

4.2. Республикада пахта толасини қайта ишлашнинг кўпайиши жаҳон бозорида пахта толасидан фойдаланиш балансининг қайта тақсимланишига олиб келади ва бу:

тўқимачилик саноати асосий ишлаб чиқаришлари Ўзбекистонда кўпайишини рағбатлантиришга ва республикага қўшимча инвестициялар жалб этилишига;

қарийб 1046 млн. АҚШ доллари миқдоридаги кўплаб капитал қўйилмаларнинг

* Жадваллар берилмайди.

жалб этилишига ва ўзлаштирилишига олиб келади, бу республикада тўқимачилик машинасозлигини ривожлантиришга замин яратади, чунки эҳтиёт қисмларга, бутловчи узеллар ва деталларга бўлган ҳар йилги эҳтиёж 2005 йилдаёқ камида 200 млн. АҚШ долларини ташкил қилади;

жаҳон бозорида рақобатга бардошли бўлган маҳсулотлар ишлаб чиқаришда тўқимачилик саноатининг бўёқлар, синтетик толалар ва бошқа ёрдамчи материалларга эҳтиёжи республикада кимё саноати маҳсулотлари ишлаб чиқаришни кўпайтириш учун асос бўлади;

Ўзбекистон МДХ мамлакатлари ва узоқ хорижий мамлакатлар бозорларида тўқимачилик саноати маҳсулотларини ишлаб чиқариш ва сотиш бўйича устун мавқени эгаллайди.

Вазирлар Маҳкамасининг
2002 йил 2 июлдаги 240-сон қарорига
8-ИЛОВА

Ҳукуматнинг тўлиқ ёки қисман ўз кучини йўқотган қарорлари рўйхати

1. Ўзбекистон Республикаси Президенти ҳузуридаги Вазирлар Маҳкамасининг «Ўзбекистон енгил саноат моллари ишлаб чиқариш давлат уюшмаси («Ўзбекенгилсаноат») масалалари тўғрисида» 1991 йил 20 майдаги 139-сон қарори.

2. Ўзбекистон Республикаси Президенти ҳузуридаги Вазирлар Маҳкамасининг «Ўзбекистон енгил саноат моллари ишлаб чиқариш давлат уюшмаси («Ўзбекенгилсаноат») бошқарув тузилмасини такомиллаштириш ҳамда унинг корхоналари ва ташкилотларини давлат тасарруфидан чиқариш ва хусусийлаштириш чора-тадбирлари тўғрисида» 1992 йил 28 ноябрдаги 558-сон қарори 1-бандининг иккинчи хат боши, қарорнинг 2, 3, 5, 7, 8-бандлари.

3. Ўзбекистон Республикаси Вазирлар Маҳкамасининг «Ўзбекистон енгил саноат моллари ишлаб чиқариш давлат уюшмаси («Ўзбекенгилсаноат») корхоналарини давлат тасарруфидан чиқариш ва хусусийлаштиришнинг асосий йўналишлари тўғрисида» 1994 йил 4 апрелдаги 179-сон қарорининг 1, 2, 3, 5, 6, 7, 8-бандлари.

4. Ўзбекистон Республикаси Вазирлар Маҳкамасининг «Енгил ва маҳаллий саноатни ривожлантиришни давлат томонидан қўллаб-қувватлаш чора-тадбирлари тўғрисида» 1996 йил 29 апрелдаги 166-сон қарорининг 11-банди.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

104 Ўзбекистон матбуот ва ахборот агентлигининг фаолиятини ташкил этиш тўғрисида

Ўзбекистон Республикаси Президентининг «Матбуот ва ахборот соҳасида бошқарувни такомиллаштириш тўғрисида» 2002 йил 3 июлдаги ПФ-3103-сон Фармони-га мувофиқ ҳамда республика ва ҳудудий матбуот ва ахборот органлари фаолиятини ташкил этишни таъминлаш, нашриёт иши ва матбаанинг моддий-техника базасини мустаҳкамлаш ва ривожлантириш мақсадида Вазирлар Маҳкамаси **қарор қилади:**

1. Қуйидагилар:

Ўзбекистон матбуот ва ахборот агентлигининг ташкилий тузилмаси ҳамда унинг марказий аппарати тузилмаси 1 ва 2-иловаларга* мувофиқ;

Оммавий ахборот воситалари мониторинги ва уларни лицензиялаш марказининг тузилмаси 3-иловага* мувофиқ;

Қорақалпоғистон Республикаси матбуот ва ахборот агентлигининг тузилмаси ҳамда матбуот ва ахборот ҳудудий бошқармасининг намунавий тузилмаси 4, 4а-иловаларга* мувофиқ;

Ўзбекистон матбуот ва ахборот агентлиги тўғрисидаги Низом 5-иловага мувофиқ тасдиқлансин.

2. Белгилансинки, Ўзбекистон матбуот ва ахборот агентлиги ҳуқуқ ва мажбуриятлар бўйича Ўзбекистон Республикаси Давлат матбуот қўмитасининг ҳуқуқий вориси ҳисобланади.

3. Ўзбекистон матбуот ва ахборот агентлиги ходимларининг чекланган сони 55 нафардан иборат этиб (хизмат кўрсатувчи ходимлардан ташқари) ва унинг ҳудудий органлари ходимларининг чекланган сони 138 нафар этиб белгилансин.

Ўзбекистон матбуот ва ахборот агентлигининг бош директориға ходимларнинг белгиланган чекланган сони доирасида бошқарув тузилмасиға ўзгартиришлар кири-тиш ҳуқуқи берилсин.

4. Ўзбекистон матбуот ва ахборот агентлигиға бош директорнинг уч нафар ўринбосарига, шу жумладан бир нафар биринчи ўринбосарға ва шахсий таркиби Ўзбекистон Республикаси Вазирлар Маҳкамаси томонидан тасдиқланадиган 7 кишидан иборат ҳайъатға эға бўлишға рухсат этилсин.

Ўзбекистон матбуот ва ахборот агентлигининг бош директори мақомиға кўра вазирға, бош директорнинг биринчи ўринбосари ва ўринбосарлари тегишли равишда — вазирнинг биринчи ўринбосари ва ўринбосарларига тенглаштирилсин.

5. Белгилансинки, Қорақалпоғистон Республикаси Матбуот ва ахборот агентлигининг директори ҳамда вилоятлар ва Тошкент шаҳар ҳокимликлари ҳузуридаги Матбуот ва ахборот ҳудудий бошқармалари бошлиқлари тегишли равишда Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимларининг тақдимномасиға кўра Ўзбекистон матбуот ва ахборот агентлигининг бош директори томонидан лавозимға тайинланадилар ва лавозимдан озод этиладилар.

6. Ўзбекистон матбуот ва ахборот агентлиги:

Оммавий ахборот воситалари мониторинги ва уларни лицензиялаш маркази тўғрисидаги Низомни икки ҳафта муддатда ишлаб чиқсин ва тасдиқласин;

республика матбуот ва ахборот бозори қатнашчиларининг ягона умумдавлат реестрлари мунтазам юритилишини таъминласин;

оммавий ахборот воситалари ва матбаа корхоналарини рўйхатдан ўтказиш тартиби тўғрисидаги янгиланган низомларни бир ой муддатда тасдиқлаш учун Вазирлар Маҳкамасиға киритсин;

* 1, 2, 3, 4, 4а-иловалар берилмайди.

2002 йил 1 октябргача — Ўзбекистон Республикаси Макроиктисодиёт ва статистика вазирлиги, Молия вазирлиги, бошқа манфаатдор идоралар билан биргаликда 2005 йилгача бўлган даврда Ўзбекистон Республикасида ноширлик ва матбаа фаолиятини ривожлантириш комплекс дастурини ишлаб чиқсин ва тасдиқлаш учун Вазирлар Маҳкамасига киритсин.

7. Белгилансинки, Ўзбекистон матбуот ва ахборот агентлиги марказий аппарати ва ҳудудий органлари таъминоти харажатларини молиялаш давлат бюджети маблағлари, шунингдек унга қарашли ташкилотларнинг шартнома асосидаги ажратмалари ва хўжалик фаолиятдан олинadиган бошқа тушумлар ҳисобига амалга оширилади.

8. Ўзбекистон Республикаси Молия вазирлиги:

хар йили республика бюджетини шакллантиришда Ўзбекистон матбуот ва ахборот агентлиги, унинг ҳудудий органларининг таъминоти ва уларнинг моддий-техника базасини мустаҳкамлашга зарур маблағлар ажратишни назарда тутсин;

Ўзбекистон матбуот ва ахборот агентлигига марказий аппарат учун тўртта енгил автомобиль ва Қорақалпоғистон Республикаси Матбуот ва ахборот агентлиги ҳамда вилоятлар ва Тошкент шаҳридаги матбуот ва ахборот ҳудудий органлари учун биттадан енгил автомобиль харажатларига лимит ажратсин.

Ўзбекистон матбуот ва ахборот агентлиги, Ўзбекистон Республикаси Молия вазирлиги бир ой муддатда Вазирлар Маҳкамасига Агентлик фаолиятининг техник базасини мустаҳкамлашга доир таклиф киритсинлар.

9. Ўзбекистон Республикаси Давлат мулки қўмитаси, Молия вазирлиги икки ой муддатда матбаа саноатининг корхоналари ва ташкилотлари устав жамғармаларидаги давлатга ва меҳнат жамоаларига тегишли акциялар улушлари, пайлари, пакетларини хатловдан ўтказсин ҳамда уларни амалдаги қонун ҳужжатлари қоидаларига мувофиқлаштирсин. Амалга оширилган ишлар натижалари бўйича Ўзбекистон Республикаси Вазирлар Маҳкамасига матбаа корхоналарини бундан буён акциялаштириш ва хусусийлаштириш юзасидан таклифлар киритсинлар.

10. Миллий китоб палатаси Ўзбекистон матбуот ва ахборот агентлиги таркибидан А. Навоий номидаги Ўзбекистон миллий кутубхонаси таркибига берилсин.

11. Вазирлар Маҳкамасининг Ижтимоий комплекси, Ўзбекистон матбуот ва ахборот агентлиги, Ўзбекистон Республикаси Давлат мулки қўмитаси ўн кун муддатда Вазирлар Маҳкамасига китоб савдосини ташкил этишни такомиллаштириш юзасидан Ҳукумат қарори лойиҳасини киритсинлар.

12. Ўзбекистон матбуот ва ахборот агентлигининг марказий аппарати Тошкент шаҳар, Навоий кўчасидаги 30-уйга жойлаштирилсин.

13. Ўзбекистон Республикаси Вазирлар Маҳкамасининг 1990 йил 18 январдаги 39-сон, 1991 йил 12 майдаги 129-сон, 1997 йил 10 апрелдаги 182-сон қарорлари ва Вазирлар Маҳкамасининг 1999 йил 11 мартдаги 108-сон қарорининг 3-банди ўз қучини йўқотган деб ҳисоблансин.

14. Ўзбекистон Республикаси Адлия вазирлиги манфаатдор вазирликлар ва идоралар билан биргаликда бир ой муддатда қонунчиликка мазкур қарордан келиб чиқувчи ўзгартириш ва қўшимчалар тўғрисида Вазирлар Маҳкамасига таклифлар киритсинлар.

15. Мазкур қарорнинг бажарилишини назорат қилиш Ўзбекистон Республикаси Президентининг Давлат маслаҳатчиси Х.М. Султонов ва Ўзбекистон Республикаси Бош вазирининг ўринбосари Ҳ.С. Кароматов зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2002 йил 3 июль,
241-сон

Ўзбекистон Республикаси Қонун ҳужжатлари тўплами, 2002 й.

Вазирлар Маҳкамасининг
2002 йил 3 июлдаги 241-сон қарорига
5-ИЛОВА

Ўзбекистон матбуот ва ахборот агентлиги тўғрисида НИЗОМ

I. Умумий қоидалар

1. Ўзбекистон матбуот ва ахборот агентлиги (кейинги ўринларда Агентлик деб аталади) матбуот ва ахборот-оммавий ахборот воситалари, ахборотлар алмашиш, матбуот, ноширлик, матбаачилик фаолияти ва даврий нашрларни тарқатиш соҳасидаги давлат сиёсатини ишлаб чиқиш ва амалга оширишни таъминловчи давлат ижро этувчи ҳокимият органи ҳисобланади.

2. Агентлик ўз фаолиятида Ўзбекистон Республикаси Конституциясига, қонунларига, Ўзбекистон Республикаси Президенти фармонлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, шунингдек ушбу Низомга амал қилади.

3. Агентлик ўз фаолиятини давлат ижро этувчи ҳокимиятининг бошқа органлари, маҳаллий ўзини ўзи бошқариш органлари, жамоат бирлашмалари ва бошқа ташкилотлар билан ўзаро ҳамкорликда амалга оширади.

II. Агентликнинг вазифалари ва функциялари

4. Қуйидагилар Агентликнинг асосий вазифалари ҳисобланади:
оммавий ахборот воситаларининг мустақил фаолияти соҳасидаги конституциявий ҳуқуқлар ва қонун ҳужжатларининг сўзсиз бажарилиши, сўз ва матбуот эркинлиги кафолатларининг таъминланиши юзасидан мониторинг олиб бориш;

республика фуқароларининг ахборотларга бўлган эҳтиёжини янада тўлиқ қондириш, аҳолининг, энг аввало, ўсиб келаётган авлоднинг ва ёшларнинг таълим, маънавий ва маданий даражасини ошириш манфаатларини кўзлаб оммавий ахборот воситаларини, ноширлик ишларини ва матбаачиликни кенг ривожлантиришга қўмаклашиш;

ноширлик ва матбаачилик фаолияти, оммавий ахборот воситалари, даврий нашрларни тарқатиш, шу жумладан кўрсатиб ўтилган фаолият турларини рўйхатдан ўтказиш соҳасидаги давлат сиёсатини амалга ошириш;

нашриётлар, оммавий ахборот воситалари, телевидение, радиоэшиттириш ва республика ахборот бозорининг бошқа қатнашчилари томонидан ахборот соҳасида амалдаги қонун ҳужжатларига риоя этилиши юзасидан мониторингни амалга ошириш;

республика фуқаролари ва юридик шахсларининг ахборотларни тайёрлаш, тарқатиш, улардан фойдаланиш соҳасидаги ҳуқуқлари ва манфаатларининг ҳимоя қилинишини таъминлаш;

ноширлик фаолиятини лицензиялашни ташкил этиш;

мулкчилик шаклларида қатъи назар, оммавий ахборот воситалари бозорида тенг мавқени таъминлаш;

ноширлик ва матбаачилик фаолиятида, даврий нашрларни тарқатишда ягона техника сиёсатини ўтказиш;

рекламалар тайёрлаш, шунингдек уларни оммавий ахборот воситалари орқали тарқатиш;

ноширлик-матбаачилик фаолиятининг ишлаб чиқариш-техникавий базасини ривожлантириш ва замонавийлаштириш, стандартлаш ва сертификатлаш соҳасидаги чоратadbирларни ишлаб чиқиш ва амалга ошириш.

5. Агентлик ўзига юкланган вазифаларни рўёбга чиқариш мақсадида қуйидаги функцияларни амалга оширади:

ноширлик-матбаачилик фаолияти, оммавий ахборот воситалари, ахборот ва реклама агентликларининг ягона реестрларини юритиш ва уларни рўйхатдан ўтказиш;

ноширлик фаолиятини лицензиялашни ташкил этиш;

нашриётлар, оммавий ахборот воситалари, телевидение, радиоэшиттириш ва республика ахборот бозорининг бошқа қатнашчилари томонидан ахборот соҳасида амалдаги қонун ҳужжатларига риоя этилиши мониторингини ташкил қилиш;

Ўзбекистон Республикаси қонун ҳужжатларига, рўйхатдан ўтказиш ва лицензиялаш шартларига риоя этилишини назорат қилиш, огоҳлантириш, рўйхатдан ўтказиш тўғрисидаги гувоҳномалар ва лицензияларнинг амал қилишини белгиланган тартибда тўхтатиб туриш ва тўхтатиш;

техник ва бошқа нормативлар ва стандартларни ишлаб чиқиш ва техникавий базани ривожлантириш, реконструкция қилиш, ундан фойдаланиш, стандартлаш ва сертификатлаш соҳасидаги тадбирларни амалга ошириш;

матбуот ва ахборот соҳасидаги фаолиятни, шу жумладан тегишли тартиботларни ишлаб чиқиш ва амалга оширишни бошқариш;

фаолият соҳаларида Агентлик ваколатига алоқадор ижро этувчи ҳокимиятнинг бошқа органлари фаолиятини мувофиқлаштириб бориш;

Агентлик ваколатига кирувчи тармоқлардаги фаолиятни ривожлантириш прогнозлари ва дастурларини ишлаб чиқиш;

Агентлик юритадиган соҳага тааллуқли иқтисодий, ижтимоий, техникавий, ҳуқуқий муаммоларни таҳлил қилиш ҳамда уларни ҳал этиш, шу жумладан тегишли қонун ҳужжатлари ва бошқа норматив ҳуқуқий ҳужжатлар лойиҳаларини тайёрлаш бўйича таклифлар ишлаб чиқиш;

Агентлик тасарруфидаги ташкилотлар фаолиятига раҳбарлик қилиш ва уни мувофиқлаштириб бориш, уларнинг моддий-техникавий таъминотига қўмаклашиш;

матбуот ва ахборот соҳасида халқаро ҳамкорликни ривожлантириш, халқаро ташкилотларнинг ўзининг ваколатига тааллуқли масалалар бўйича ишларида қатнашиш.

III. Агентликнинг ҳуқуқлари

6. Агентлик ўз ваколатлари доирасида қуйидаги ҳуқуқларга эга:

Ўзбекистон Республикасининг барча жисмоний ва юридик шахслари (мулкчилик шаклларида қатъи назар) томонидан бажарилиши мажбурий бўлган норматив ҳужжатларни ишлаб чиқиш ва тасдиқлаш;

ўз ҳудудий органларини белгиланган тартибда ташкил этиш ва тугатиш;

давлат органларидан ва бошқа органлар, муассасалар, ташкилотлар, мансабдор шахслардан зарур ахборотлар, ҳужжатлар ва материалларни Ўзбекистон Республикаси қонунчилигида белгиланган тартибда сўраб олиш;

қонун лойиҳаларини тайёрлаш, экспертизадан ўтказиш, тадқиқот ишларини амалга ошириш ва консультациялар учун илмий ташкилотларни, давлат органлари ходимларини, мутахассислар ва экспертларни, шу жумладан хорижий мутахассислар ва экс-

пертларни белгиланган тартибда жалб этиш, вақтинчалик ижодий жамоалар ташкил қилиш;

ўз фаолиятини таъминлаш учун белгиланган тартибда муассасалар ва корхоналар ташкил этиш;

юкланган вазифалардан келиб чиққан ҳолда амалдаги қонунчиликка зид бўлмаган ташқи иқтисодий, маданий ва маърифий фаолият соҳасида олди-сотди шартномалари тузиш;

матбуот ва ахборот соҳасидаги қонунчиликни бузаётган давлат бошқаруви органларига, жойлардаги ҳокимият органларига, хўжалик юритувчи субъектларга ва уларнинг мансабдор шахсларига нисбатан ўз ваколати доирасида қонунчиликда белгиланган тартибда қарорлар (буйруқлар) чиқариш.

Агентликнинг ўз ваколатлари доирасида чиқарган қарорлари ва буйруқлари вазирликлар, идоралар, маҳаллий ҳокимият ва бошқарув органлари, муассасалар ва ташкилотлар, хўжалик юритувчи субъектлар ва мулкчилик шаклидан қатъи назар, уларнинг бирлашмалари, мансабдор шахслар ва фуқаролар томонидан бажарилиши мажбурийдир.

7. Матбуот ва ахборот соҳасидаги амалдаги қонунчилик оммавий ахборот воситалари ва нашриётлар томонидан мунтазам равишда бажарилмаган тақдирда Ўзбекистон матбуот ва ахборот агентлиги нашриётлар ва оммавий ахборот воситаларининг ноширлик фаолиятига лицензияларнинг ҳамда рўйхатдан ўтказилганлиги тўғрисидаги гувоҳномаларнинг амал қилишини суд тартибда тўхтатишга ҳақлидир.

8. Ўзбекистон матбуот ва ахборот агентлигининг оммавий ахборот воситаларини цензура қилиши, таҳрир этиши ва уларнинг фаолиятига бошқача шаклларда арашиши тақиқланади.

IV. Агентлик фаолиятини ташкил этиш

9. Агентликни Ўзбекистон Республикаси Вазирлар Маҳкамаси томонидан лавозимга тайинладиган ва лавозимдан озод қилинадиган бош директор бошқаради.

10. Агентликнинг бош директори Ўзбекистон Республикаси Вазирлар Маҳкамаси томонидан лавозимга тайинладиган ва лавозимдан озод этиладиган уч нафар ўринбосарга, шу жумладан бир нафар биринчи ўринбосарга эга бўлади.

11. Ўзбекистон матбуот ва ахборот агентлигининг бош директори мақомига кўра вазирга, бош директорнинг биринчи ўринбосари ва ўринбосарлари тегишли равишда вазирнинг биринчи ўринбосари ва ўринбосарига тенглаштирилади.

12. Агентликнинг бош директори яккабошчилик асосида Агентлик фаолиятига раҳбарлик қилади ва Агентликка юкланган вазифалар бажарилиши учун шахсан жавоб беради.

13. Бош директор:

Агентликнинг норматив ҳужжатларини тасдиқлайди (имзолайди);

қонун ҳужжатлари ва бошқа норматив ҳужжатлар лойиҳаларини Ўзбекистон Республикаси Вазирлар Маҳкамасининг кўриб чиқиши учун белгиланган тартибда киритади;

Ўзбекистон Республикаси Вазирлар Маҳкамаси томонидан белгиланган ходимларнинг сони ва меҳнатга ҳақ тўлаш фонди доирасида Агентлик марказий аппаратининг тузилмаси ва штат жадвалини, унинг ҳудудий органлари ходимлари сонини, шунингдек маблағ ажратишнинг тегишли даврига давлат бюджетида тасдиқланган доирада улар таъминоти харажатлари сметасини тасдиқлайди;

Агентликнинг мансабдор шахслари, ҳудудий органлар, Агентлик ихтиёридаги

ташкilotлар томонидан бажарилиши мажбурий бўлган буйруқлар чиқаради ва кўрсатмалар беради, шунингдек белгиланган тартибда уларнинг бажарилишини назорат қилади;

Агентлик марказий аппарати ходимларини ва ҳудудий органлар раҳбарларини белгиланган тартибда лавозимга тайинлайди ва лавозимдан озод қилади;

Агентликнинг таркибий бўлинмалари тўғрисидаги низомларни тасдиқлайди;

Агентлик ихтиёридаги ташкilotлар уставларини тасдиқлайди, уларнинг раҳбарлари билан меҳнат шартномаларини (контрактларни) белгиланган тартибда тузади, ўзгартиради ва бекор қилади;

Агентлик ваколатига тегишли бўлган масалалар бўйича Агентликнинг Ўзбекистон Республикаси давлат ҳокимияти органлари билан ўзаро ҳамкорлигини белгиланган тартибда таъминлайди;

Бош директорнинг ўринбосарлари ўртасида вазифаларни тақсимлайди.

14. Агентликда бош директор (хайъат раиси) ва лавозимга кўра унга қирувчи бош директорнинг ўринбосарлари, шунингдек бош директорнинг тавсияси бўйича оммавий ахборот воситалари ва оммавий коммуникациялар, матбуот соҳасидаги, нашриётлар ва матбаанинг бошқа раҳбар ходимларидан ҳамда бошқа шахслардан иборат бўлган 7 кишидан иборат хайъат ташкил этилади.

Хайъат аъзолари, унинг таркибига лавозими бўйича қирувчи шахслардан ташқари, Ўзбекистон Республикаси Вазирлар Маҳкамаси томонидан тасдиқланади. Хайъат Агентлик фаолиятининг асосий масалаларини кўриб чиқади. Хайъат қарорлари, қоидага кўра, бош директорнинг буйруқлари билан амалга оширилади. Бош директор билан хайъат аъзолари ўртасида келишмовчилик келиб чиққан тақдирда бош директор узилкесил қарор қабул қилади ҳамда пайдо бўлган келишмовчиликлар тўғрисида Ўзбекистон Республикаси Вазирлар Маҳкамасига ахборот беради. Хайъат аъзолари ўз фикрини Ўзбекистон Республикаси Вазирлар Маҳкамасига маълум қилишлари мумкин.

15. Қорақалпоғистон Республикасида, вилоятлар ва Тошкент шаҳрида Агентликнинг ҳудудий органлари — тегишли равишда Матбуот ва ахборот агентлиги, вилоятлар ва Тошкент шаҳар ҳокимликлари ҳузуридаги матбуот ва ахборот бошқармалари ташкил этилади.

16. Агентлик ҳузурида эксперт кенгашлар ва комиссиялар ташкил этилиши мумкин. Кенгаш ва комиссиялар тўғрисидаги низомлар ва уларнинг таркиби бош директор томонидан тасдиқланади.

17. Агентликнинг марказий аппарати ва ҳудудий органлари таъминоти сарф-харажатлари давлат бошқаруви учун назарда тутилган давлат бюджети маблағлари, шунингдек Агентликка қарашли ташкilotларнинг шартнома асосидаги ажратмалари, хўжалик фаолиятдан олинган бошқа тушумлар ҳисобига маблағ билан таъминланади.

Оммавий ахборот воситалари мониторинги ва уларни лицензиялаш маркази давлат бюджети маблағлари ҳисобига маблағ билан таъминланади.

18. Ўзбекистон матбуот ва ахборот агентлиги юридик шахс ҳисобланади, Ўзбекистон Республикаси Давлат герби тасвири туширилган ва ўз номи ёзилган муҳрга, банк муассасаларида ҳисоб-китоб рақамига ва бошқа ҳисоб рақамларига эга бўлади.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

105 Электр тармоқлари ва иншоотларини муҳофаза қилиш қоидаларини тасдиқлаш тўғрисида

Электр таъминотининг ишончлилигини ва электр тармоқлари муҳофаза қилинишини таъминлаш мақсадида Вазирлар Маҳкамаси **қарор қилади:**

1. Электр тармоқлари ва иншоотларини муҳофаза қилиш қоидалари иловага мувофиқ тасдиқлансин.

2. «Ўзбекэнерго» давлат-акциядорлик компанияси «Ўздавэнергоназорат» агентлиги билан биргаликда Қоидаларни маҳаллий оммавий ахборот воситаларида эълон қилиш ва тегишли плакатлар чиқариш йўли билан аҳолини Қоидалар билан таништиришни ташкил этсин.

3. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, вазирликлар ва идоралар электр тармоқлари жойлашган жойларда ишларни амалга ошираётган ўзларига қарашли корхоналар, ташкилотлар ва муассасалар томонидан кўрсатиб ўтилган Қоидалар бажарилиши устидан назоратни таъминласинлар.

4. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари В.Ю. Атаев зиммасига юклансин.

Ўзбекистон Республикасининг Бош вазири Ў. СУЛТОНОВ

Тошкент ш.,
2002 йил 5 июль,
243-сон

Вазирлар Маҳкамасининг
2002 йил 5 июлдаги 243-сон қарорига
ИЛОВА

Электр тармоқлари ва иншоотларини муҳофаза қилиш ҚОИДАЛАРИ

I. Умумий қоидалар

1. Мазкур Қоидалар Ўзбекистон Республикасида электр тармоқларини ўрнатиш, уларнинг сақланишини таъминлаш ва муҳофаза зонасида улардан фойдаланиш тартибини белгилаб беради.

2. Қоидаларнинг амал қилиши электр тармоқларининг мулкчилик шакллари ва идоравий тегишлилигидан қатъи назар электр тармоқларининг барча линияларига жорий этилади.

3. Қоидаларнинг Ўзбекистон Республикаси ҳудудидаги барча юридик ва жисмоний шахслар томонидан бажарилиши мажбурийдир.

4. Мазкур Қоидаларда электр тармоқлари деганда кичик станциялар, тақсимлаш қурилмалари, ток ўтказгичлар, электр узатиш ҳаво линиялари*, электр узатиш ер

* Кейинги ўринларда «ток ўтказгичлар» ва «электр узатиш ҳаво линиялари» «электр узатиш ҳаво линиялари» деб юритилади.

ости ва сув ости кабель линиялари ва уларга тегишли бўлган иншоотлар тушунилади.

II. Электр тармоқлари ва иншоотларини жойлаштириш

5. Электр тармоқлари қурилиши учун ер участкалари Ўзбекистон Республикаси қонун ҳужжатларида белгиланган тартибда ажратилади.

6. Электр тармоқларининг муҳофаза зонаси — ер участкаси ёки юзасидан тубигача сув маконидир. Уларга эгалик қилиш ва улардан фойдаланишнинг алоҳида тартиби белгиланади. Мазкур Қоидаларга мувофиқ белгиланган электр тармоқларининг муҳофаза зоналари ажратилган ер участкалари ҳисобланади ва белгиланган тартибда давлат рўйхатидан ўтказилиши керак.

7. Ихтиёрида электр тармоқлари бўлган жисмоний ва юридик шахслар трассаларнинг ижроия топогеодезия суръатлари материалларини уларни ердан фойдаланишнинг тегишли хариталарига киритиш учун ҳудудий архитектура ва қурилиш органларига тақдим этиши шарт.

8. Электр тармоқларининг муҳофаза зоналари ҳудудлар кадастр бўйича бўлинган ва ер участкалари кадастр бўйича суратга олинган ҳолда қишлоқ жойларда ер ресурслари туман хизматлари томонидан, шаҳарлар ва посёлкаларда кўчмас мулк кадастри хизматлари томонидан натурада белгиланади ҳамда кадастр ишида қайд этилиши ва ер участканинг кадастр режасида акс эттирилиши керак.

9. Ифлослантириш ва электр тармоқларининг коррозияга учраши манбаи бўлган объектларни қуриш, реконструкция қилишнинг лойиҳа-смета ҳужжатларида ифлосланиш ва коррозияга учрашни чекловчи ёки электр тармоқларининг ифлосланиш (коррозия) зонасидан чиқариш билан боғлиқ чора-тадбирлар назарда тутилиши керак.

10. Мавжуд электр тармоқлари муҳофаза зоналарининг ер майдони ер участкалари мулкдорлари, ер эгалари, шу жумладан ижарачилардан олиб қўйилиши мумкин эмас.

11. Алоҳида ҳолларда, Ўзбекистон Республикаси Вазирлар Маҳкамасининг руҳсати билан алоҳида муҳофаза қилинадиган табиий ҳудудларда (қўриқхоналар, миллий боғлар ва бошқалар) электр тармоқлари қурилишига йўл қўйилади.

III. Электр тармоқларини муҳофаза қилиш

12. Электр тармоқлари ушбу электр тармоқлари ўз ихтиёрида бўлган ташкилотлар томонидан муҳофаза қилинади.

13. Электр тармоқларининг муҳофаза зоналари мазкур Қоидалар билан:

20 киловольт кучланишли линиялар учун — 10 метргача

35 киловольт кучланишли линиялар учун — 15 метргача

110 киловольт кучланишли линиялар учун — 20 метргача

220 киловольт кучланишли линиялар учун — 25 метргача

500 киловольт кучланишли линиялар учун — 30 метргача масофада четдаги симнинг линиясидан ҳар икки томон бўйича турувчи чекланган вертикал текислик ер участкаси ва ҳаво макони шаклидаги электр узатиш ҳаво линияси бўйлаб;

ер юзасида (уларнинг чекланмаган ҳолатида) ҳар икки томонидан 2 метр четдаги сим проекциясида турган ер участкаси, чекланган параллель тўғри шаклдаги минг вольтгача электр узатиш ҳаво линиялари бўйлаб (биноларга кириш учун тортилган симлардан ташқари);

хар икки томондан бир метр четдаги кабелларда турган, кабель линиялари шаҳарларда йўлаклар остидан ўтган тақдирда — 0,6 метр бинолар ва иншоотлар томонга ва кўчанинг одамлар юрадиган томонига 1 метр ер участкаси, чекланган параллель тўғри шаклдаги электр узатиш ер ости кабель линиялари бўйлаб;

хар икки томондан четдаги кабеллардан 100 метргача масофада турган вертикаль текислик ўртасидаги тубнинг сув юзасидан сув макони участкаси шаклида электр узатиш сув ости кабель линиялари бўйлаб белгиланади.

Электр узатиш линиялари билан энг яқиндаги бинолар ва иншоотлар, шунингдек дарахтлар ва бошқа кўп йиллик ўсимликлар ўртасидаги йўл қўйиладиган энг кам масофа электр қурилмаларини лойиҳалаштириш ва ўрнатиш асосида белгиланади.

Мазкур Қоидаларнинг 11-бандида назарда тутилган ҳолларда алоҳида муҳофаза қилинадиган табиий ҳудудларда электр тармоқларининг муҳофаза зоналари ўлчови ва уларнинг режими Ўзбекистон Республикаси Давлат табиатни муҳофаза қилиш қўмитаси билан келишган ҳолда электр тармоқлари ўз қарамоғида бўлган ташкилот томонидан белгиланади. Электр тармоқларига хизмат кўрсатиш учун кириш йўллари ва бошқа иншоотлар Давлат экологик экспертизасининг ижобий хулосасини олган лойиҳалар асосида амалга оширилади.

14. Агар электр узатиш линиялари ўрмон массивлари орқали ўтса, бевосита симларга яқин жойда ўсган дарахтлар электр узатиш линиясидан фойдаланувчи ташкилот томонидан кесиш ташланади. Электр узатиш линиялари парклар, боғлар ва бошқа кўп йиллик дарахтлар орқали ўтса дарахтларни кесиш электр узатиш линиясидан фойдаланувчи ташкилот томонидан амалга оширилади. Томонларнинг келишувига кўра эса ушбу дарахтлар ўз ихтиёрида бўлган ташкилот томонидан ёки боғлар ва бошқа кўп йиллик дарахтларнинг эгалари бўлган жисмоний шахслар томонидан электр узатиш линиясидан фойдаланувчи ташкилот томонидан белгиланган тартибда кесилади.

Тор йўллар очиш учун дарахтларни кесиш электр тармоқлари эгалари томонидан ўрмон хўжалиги ташкилотларининг шартлари бўйича амалга оширилади. «Дарахтларни кесиш қоидалари» (Вазирлар Маҳкамасининг 1999 йил 22 ноябрдаги 506-сон қарорига 2-илова) бузилишига йўл қўйган электр тармоқлари эгалари бунинг учун қонун ҳужжатларида белгиланган тартибда жавоб беради.

15. Авария ҳолатларининг олдини олиш учун электр узатиш линиялари ўтган жойларда ушбу линиялар трассасига туташиб кетган ўрмон массивларида айрим дарахтларни ушбу дарахтлар қарайдиган ташкилотнинг рухсати билан, кейинчалик ўрмон кесиш чипталари (далолатномалари)ни белгиланган тартибда расмийлаштирган ва кесиш жойини кесиш қолдиқларидан тозаллаган ҳолда кесишга рухсат берилди.

16. Кабель лангар, балиқчилик чангаги ёки бошқа усул билан юқорига кўтарилган тақдирда капитанлар, кема эгалари кабелни холи қилиш чораларини кўришга ва юз берган воқеа тўғрисида энг яқиндаги энергия таъминоти ташкилотига хабар қилишга мажбурдир.

17. Узилган, ерда ётган ёки осилиб турган электр узатиш ҳаво линияси симини кўрган, шунингдек тиргакнинг йиқилиши ёки симнинг узилиши хавфини сезган фуқаролар бу ҳақда дарҳол энг яқиндаги энергия таъминоти ташкилотига ёки туман (шаҳар) ҳокимлигига хабар бериши шарт.

18. Ихтиёрида электр тармоқлари ва кабель линиялари бўлган ташкилотнинг ёзма розилигисиз электр тармоқларининг муҳофаза зоналарида:

автомобиль ёнилғиси қуйиш шохобчаларини, ёнилғи-мойлаш материаллари ва бошқа тез ёнадиган материалларни жойлаштириш;

хар қандай бино ва иншоотларни қуриш, мукаммал таъмирлаш, реконструкция қилиш ёки бузиш;

хар қандай турдаги кон, ортиш-тушириш, сув ҳавзаси тубини чуқурлаштириш, тупроқ кавлаб олиш, портлатиш, мелиорация ишларини амалга ошириш, дарахтлар ва бутазорларни экиш ва кесиш, дала шийпонлари қуриш, мол учун қўра, сим тўсиқлар қуриш, узумзорлар ва боғлар учун шпалерлар ўрнатиш, шунингдек кишлоқ хўжалиги экинларини суғориш;

балиқ ва бошқа сув жониворларини сув ости чангаклари билан тутиш, сув ўсимликлари чиқариб олиш, музни ёриш ва тайёрлаш;

йўл юзасидан юк билан ёки юксиз баландлиги 4,5 метрдан ортиқ бўлган машина ва механизмларнинг юриши;

0,3 метрдан ортиқ чуқурликда, шудгорланадиган ерларда эса 0,45 метрдан ортиқ чуқурликда қазилган ишларини амалга ошириш, шунингдек тупроқни текислаш тақиқланади.

19. Электр тармоқларининг нормал ишлашини бузиш, уларнинг шикастланишига ёки бахтсиз ҳодисаларга олиб келиши мумкин бўлган бирор-бир ҳаракатни содир этиш, жумладан:

таянчларга, симларга чет буюмларни яқинлаштириш, шунингдек таянчларга чиқиш;

хар қандай уюмлар ҳосил қилиш;

озуқа, ўғит, похол, ўтин ва бошқа материалларни тўплаш, олов ёқиш;

ўйинлар учун спорт майдонлари, стадионлар, бозорлар қуриш, жамоат транспортининг тўхташ комплекслари, машина ва механизмларнинг барча турлари тўхтайдиган жойлари қуриш, белгиланган тартибда рухсат берилган ишларни бажариш билан банд бўлмаган одамларнинг кўп тўпланиши билан боғлиқ бўлган хар қандай тадбирларни ўтказиш;

варрақлар, учил аппаратларининг спорт моделларини, шу жумладан бошқарилмайдиган моделларини учуриш;

қуввати 500 кВ бўлган электр узатиш линиясининг муҳофаза зонасида темир йўл транспортдан ташқари барча транспорт турларининг тўхташи тақиқланади.

20. Электр тармоқлари устидан ва улар яқинидан ҳаво кемаларининг парвози, ҳаво маконидан бошқача тарзда фойдаланиш, шунингдек электр тармоқларини лойиҳалаштириш, қуриш ва улардан фойдаланиш Ўзбекистон Республикасининг ҳаво бўшлиғидан фойдаланишни тартибга солувчи қонун ҳужжатларига мувофиқ амалга оширилиши керак.

21. Кўрсатиб ўтилган ишларни юритишга ёзма розилик олган ташкилотлар электр тармоқларининг муҳофаза зоналарида ушбу тармоқларнинг сақланишини таъминловчи шарт-шароитларига риоя қилган ҳолда уларни бажаришлари шарт.

22. Электр тармоқлари муҳофаза зоналари яқинида уларнинг шикастланишига олиб келиши мумкин бўлган портлатиш, қурилиш ишлари ва бошқа ишларни олиб борувчи ташкилотлар ишларни бажариш бошланишидан камида 12 сутка олдин электр тармоқлари ўз ихтиёрида бўлган ташкилотлар билан электр тармоқлари сақланишини таъминловчи ушбу ишларни бажариш шартлари ва тартибини келишишга ҳамда тегишли чора-тадбирлар кўришга мажбурдир.

23. Электр тармоқлари муҳофаза зоналарида портлатиш ишларини олиб боришга ёзма розилик ушбу ишларни амалга оширувчи ташкилотлар томонидан «Саноатконтехназорат» агентлигининг тегишли рухсатномаси тақдим этилгандан кейин берилади.

Ихтиёрида электр тармоқлари бўлган ташкилотларга электр тармоқлари муҳофаза зоналарида ишларни олиб боришга ёзма розилик бериш рад этилишининг са-

баблари кўрсатилиши керак ва рад этиш юзасидан белгиланган тартибда шикоят қилиниши мумкин.

24. Ўзларининг ер участкалари орқали электр тармоқлари ўтадиган юридик ва жисмоний шахслар ушбу линиялар сақланишини таъминлашга қўмаклашадиган ўзларига боғлиқ барча чораларни кўришга, электр тармоқлари эгалари билан ушбу ишларни амалга ошириш жойи ва муддатлари олдиндан келишилмасдан бинолар ва иншоотлар қурилишига йўл қўймасликка мажбурдир.

25. Электр тармоқларини қайта ўрнатиш ва кўчириш электр тармоқлари эгалари билан келишилган техник шартлар бўйича, ишларни бажарувчилар, асосий қурилишни ёки ишни амалга оширувчи ер участкалари эгалари, ердан фойдаланувчилар, ер эгалари ҳисобига амалга оширилади.

26. Ер ишларини амалга оширувчилар ушбу ишларни олиб боришнинг техник ҳужжатларида қайд этилмаган ер ости кабеллари аниқланган тақдирда аниқланган кабеллар атрофида иш олиб боришни дарҳол тўхтатишга, уларнинг сақланишини таъминлаш чораларини кўришга ва бу ҳақда жойлардаги давлат ҳокимияти органларига ва электр тармоқлари эгаларига хабар беришга мажбурдир.

IV. Муҳофаза зоналарида электр тармоқларидан фойдаланиш

27. Агар электр тармоқлари алоҳида муҳофаза қилинадиган табиий зоналар ва махсус режимли объектлар ҳудудидан ўтса, у ҳолда тегишли ташкилотлар электр тармоқлари эгаларига сутканинг исталган вақтида кўздан кечириш ва ишларни бажариш учун рухсатнома бериши керак.

28. Муҳофаза зоналари ва ўрмон сўқмоқларида электр тармоқлари эгаларига:

электр тармоқларига, асбоб-ускуналар ва трансформатор кичик станцияларига фойдаланиш хизмати кўрсатиш учун зарур бўлган йўллар, кириш йўлаклари ва бошқа иншоотлар қуришга (ер ажратиш ва умумий фойдаланишдаги автомобиль йўлларига тутатишга қўшимча келишувлар бўйича);

кейинчалик албатта кўмиб ташлаган ва ерларни текислаган ҳолда ушбу электр тармоқларини таъмирлаш учун чуқурлар ва хандақлар очишга;

ўрмон сўқмоғининг белгиланган кенгликда бўлишини таъминлаш учун дарахтларни кесишга рухсат берилади.

29. Қишлоқ хўжалиги экинлари экишга мўлжалланган ерларда электр тармоқларидан фойдаланиш хизматларини кўрсатиш ва таъмирлаш ишларини олиб боришга (авария-тиклаш ишларидан ташқари), қоидага кўра, ушбу йўллар қишлоқ хўжалиги экинлари билан банд бўлмаган пайтда рухсат берилади.

Аварияларни тиклаш ишлари (экин бор-йўқлигидан қатъи назар) исталган даврда ўтказилиши мумкин. Кўрсатиб ўтилган ишлар бажарилгандан кейин электр тармоқлари эгалари қишлоқ хўжалиги мақсадидаги ерларни қишлоқ хўжалиги ишлаб чиқариши учун яроқли ҳолатга келтиришлари, шунингдек, агар электр тармоқларининг шикастланиши ер эгалари, ердан фойдаланувчилар, шу жумладан ижарачилар томонидан мазкур Қоидалар талаблари бузилиши оқибатлари бўлмаса, авария-тиклаш ишларини юритишда ер эгалари, ердан фойдаланувчилар, шу жумладан ижарачиларга етказилган зарарни қоплаши керак.

30. Электр узатиш линияларининг муҳофаза зонаси темир йўл ёки автомобиль йўллари полосаси, қувурлар, алоқа линиялари, бошқа электр узатиш линиялари ва ҳудуднинг мос келиш участкаларидаги ўзга объектларнинг қўриқланадиган зоналарига тўғри келиб қолганда ушбу зоналардан фойдаланиш томонларнинг келишувига кўра манфаатдор ташкилотлар томонидан амалга оширилади.

31. Йўл қопламалари ва тупроқ олинишини талаб этувчи электр тармоқларини таъмирлаш ишлари (авария-тиклаш ишларидан ташқари) бундай ишларни олиб бориш шартлари тегишли йўл ташкилотлари билан, шаҳарлар ва бошқа аҳоли пунктлари доирасида — жойлардаги давлат ҳокимияти органлари билан келишилгандан кейин олиб борилиши мумкин. Кўрсатиб ўтилган ишларни бажариш шартлари тўғрисидаги маълумот электр тармоқлари эгаларига тегишли орган томонидан ишларни бажариш зарурлиги тўғрисида билдиришнома олинган кундан бошлаб 3 кун муддатда юборилиши керак. Иш жойларини тўсиш тегишли органлар билан келишилади.

Авария-тиклаш ишлари уларни амалга ошириш шартлари олдиндан келишилмасдан, бироқ ишлар бажариладиган жойга йўл ташкилоти ёки жойлардаги давлат ҳокимияти органларининг вакилини албатта чақирган ҳолда ўтказилади. Бунда ушбу ишларни бажарувчи электр тармоқлари эгалари транспорт ва йўловчилар учун зарур оғоҳлантириш белгилари қўйган ҳолда авария жойларини айланиб ўтиш йўллари қуришлари ҳамда ишларни бажариш тугаллангандан кейин тупроқни текислаши ва йўл қопламаларини тиклаши керак.

32. Туманлар (шаҳарлар) ҳокимликлари, шунингдек Ўзбекистон Республикаси ички ишлар органлари ўз ваколатлари доирасида ушбу электр тармоқлари шикастланганлигини оғоҳлантиришда ва барча юридик ва жисмоний шахсларнинг мазкур Қоидалар талабларига риоя этишини таъминлашда электр тармоқлари эгаларига қўмаклашадилар.

V. Муҳофаза зоналари доирасида ишларни бажариш шартлари

33. Саноат қурилиши ва бошқа қурилиш учун, шунингдек қишлоқ хўжалиги мақсадлари учун ажратиладиган участкаларда электр тармоқлари мавжуд бўлган тақдирда мазкур участкаларни олган ташкилотлар улардан фойдаланишни электр тармоқларининг тегишли эгалари билан келишиши шарт.

34. Электр тармоқларига эга бўлган ер участкаларида қурилишга розилик олиш учун қурувчилар томонидан ушбу объект лойиҳаси мазкур электр тармоқлари эгасига тақдим этилиши керак.

Авария вазиятларида лойиҳасиз бажариладиган қурилиш, таъмирлаш ишлари ва бошқа ишларни бажариш (ер ости кабель линиялари трассаларида — чуқур қазилар, йўлларни вақтинча айланиб ўтиш, кириш йўлини ёпиш ва сув чиқариш учун тупроқни қазилар, далаларни текислаш, қозиқоёқ қоқиш, тўсиқ учун таянч ўрнатиш, тупроқ намунаси олиш, турли мақсадлар учун хандақ қазилар ва бошқалар) учун электр тармоқлари эгаларининг ёзма розилиги олиниши керак.

35. Лойиҳасиз амалга ошириладиган ишлар бажариладиган зонада ер ости электр кабеллари бўлиши мумкинлигини аниқлаш учун ишларни бажарувчилар томонидан вилоят, туман (шаҳар) архитектура ва қурилиш бошқармаси (бўлими)дан ахборот олиниши керак.

Электр тармоқлари муҳофаза зонасида амалга ошириладиган ишларнинг буюртмачиси (қурувчи) ишлар бошланишидан камида 3 сутка олдин электр кабеллари жойлашган жойни техник ҳужжатлар бўйича аниқ белгилаш, уларнинг чуқурлигини аниқлаш ва қуриладиган объект иншоотлари билан ўзаро жойлашишини аниқлаш учун электр тармоқлари эгасининг вакилини чақириши шарт.

36. Ер ости электр кабелларининг аниқ жойлашишини белгилаш ишлар бажариладиган зонада уларнинг бутун узунлиги бўйича амалга оширилади ҳамда бунинг учун электр тармоқлари эгаси жавоб беради.

37. Қурилиш узоқ муддат давомида олиб борилган тақдирда ишларни бажариш зонасида йўл ости электр кабелларининг аниқлаштирилган трассаси бўйи 1,5-2 метр

бўлган кўрсаткич қозиклар билан белгиланиши керак. Кўрсаткич қозиклар трассанинг тўғри участкаларида барча трасса бурилишларида трассанинг тўғри ўқидан 0,5 метр чекланишнинг барча нуқталарида ҳар 15-20 метрга, шунингдек ишлар қўлда бажариладиган тупроқни қазииш чегараларида ўрнатилади.

Кўрсаткич қозиклар ўрнатиш, қудуқ қазииш ишлари электр тармоқлари эгасининг вакили иштирокида қурувчининг қучи ва маблағлари ҳисобига бажарилади.

Трассани кўрсаткич қозиклар билан белгиламасдан ер ишларини амалга оширишга йўл қўйилмайди.

38. Электр кабелларининг муҳофаза зоналарида ишлаб бошлангунгача ишларни бажарувчилар ер ости электр кабеллари трассаларининг жойлашиши, уларнинг жойидаги белгиланиши билан танишиши керак. Улар билан шунингдек электр кабеллари сақланишини таъминловчи қўлда ва механизация усулида ер ишларини бажариш тартиби тўғрисида йўриқномалар берилади. Бундан ташқари, улар электр кабелларида одамларнинг ҳаёти учун хавфли бўлган қучланиш борлигини ҳисобга олган ҳолда электр токи уриш хавфи, шунингдек кўрсатиб ўтилган электр кабел линиялари шикастланганлиги учун жавобгарлик тўғрисида огоҳлантирилишлари керак. Электр кабелларининг муҳофаза зоналарида ишларни олиб боришда ушбу электр кабеллари эгасининг вакилини чақиириш заруриги кўрсатилиши, зарур ҳолларда эса, қўлда бажариладиган ишларнинг схемаси берилиши керак.

Электр тармоқларининг муҳофаза зоналаридаги ишлар уларнинг бажарилиши учун масъул шахснинг қузатувида бажарилиши керак.

39. Ҳаво ва кабель линияларининг муҳофаза зонасида ишларни бажарувчилар ишлар бошланишидан камида 3 сутка олдин электр тармоқлари эгасига телефонограмма орқали ёки шахсан уларни бажаришда вакиллар ҳозир бўлиши зарур бўлган ишларни бажариш санаси ва соати тўғрисида маълум қилишлари керак.

Кўрсатиб ўтилган вакиллар иш бажарилаётган жойга келмаган тақдирда ишларни бажарувчилар бир сутка мобайнида бу ҳақда электр тармоқлари эгасига хабар беришлари шарт.

Электр тармоқлари ва кабель линияларининг муҳофаза зонасида кўрсатиб ўтилган вакиллар ҳозир бўлмаган ҳолда ер ишларини бажариш тақиқланади.

40. Ер ости кабелларининг бевосита яқинида тупроқ ишларини фақат белкураклар ёрдамида, қаттиқ зарб бермасдан бажаришга йўл қўйилади, зарбали асбоблар (лом, кирка)дан фойдаланиш тақиқланади.

41. Электр кабель тармоқларининг ишлаб турган коммуникациялар билан кесишган жойларда ер ишлари энг қисқа муддатларда ўтказилиши керак.

42. Ихтиёрида қурилаётган ёки ишлаётган электр узатиш кабель линиялари бўлган ташкилотлар кўрсатиб ўтилган линияларни бегона тоқлардан ҳимоя қилиш чораларини кўриши керак.

43. Ихтиёрида электр тармоқлари бўлган ташкилотларнинг ходимларига таъмирлаш ва техник хизмат кўрсатиш учун бошқа ташкилотларнинг ҳудудида жойлашган тармоқлар объектларига белгиланган тартибда тўсиқсиз кириш ҳуқуқи берилади.

44. 500 кВ қучланишли электр узатиш ҳаво линиялари билан кесишиш жойларидаги автомобиль йўлларида ушбу линияларнинг муҳофаза зоналарида транспорт тўхташини тақиқловчи йўл белгилари ўрнатилиши керак.

45. Табиий офатлар туфайли электр тармоқлари шикастланганда, шунингдек шикастланишининг олдини олиш мақсадида туманлар (шаҳарлар) ҳокимликларига зарур ҳолларда уларнинг ваколатлари доирасида электр тармоқлари ва иншоотлари шикастланишини бартараф этиш ва шикастланишининг олдини олиш ишларига ташкилотларни жалб қилиш ҳуқуқи берилади. Бундай ҳолларда бажарилган ишларга ҳақ тўлаш ва сарфланган моддий ресурслар қийматини қоплаш ихтиёрида электр тармоқлари бўлган ташкилотлар томонидан амалга оширилади.

46. Электр тармоқларининг муҳофаза зоналаридаги ва улар яқинидаги юридик ва жисмоний шахслар ихтиёрида электр тармоқлари бўлган ташкилотлар ходимларининг электр тармоқлари сақланишини таъминлашга ва бахтсиз ҳодисаларнинг олдини олишга қаратилган талабларини бажаришга мажбурдир.

Ихтиёрида электр тармоқлари бўлган ташкилотларнинг ходимлари юридик ва жисмоний шахслар томонидан муҳофаза зоналарида мазкур Қоидалар талаблари бузилган ҳолда бажарилаётган ишларни тўхтатиб қўйиш ҳуқуқига эгадир.

47. Ер ости кабеллари, улар элементларининг ҳаво линиялари шикастланган тақдирда ишларни бажарувчи бу ҳақда дарҳол ушбу электр тармоқларининг эгаларига маълум қилиши ва шикастланишни зудлик билан бартараф этишда ёрдам кўрсатиши, шу жумладан ишчи кучи ва механизмлар ажратиши шарт.

VI. Яқунловчи қоидалар

48. Мазкур Қоидалар бузилганлиги тўғрисидаги далолатнома ихтиёрида электр тармоқлари бўлган ташкилотларнинг ваколатли мансабдор шахслари томонидан тузилади. Мазкур қоидалар бузилганлиги тўғрисида далолатномалар тузишга ваколатли мансабдор шахслар рўйхати ҳар йили энергия таъминоти ташкилоти раҳбари томонидан тасдиқланади.

49. Мазкур Қоидалар талабларига риоя этиш билан боғлиқ низолар, шунингдек муҳофаза зонасида электр тармоқларини ўрнатиш, қўриқлаш ва фойдаланиш тартиби бузилганда пайдо бўладиган низолар қонун ҳужжатларида белгиланган тартибда кўриб чиқилади.

50. Мазкур Қоидалар талабларини бузган шахслар жавобгарликка тортилади ва қонун ҳужжатларида белгиланган тартибда зарарни қоплайдилар.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

106 Биржадан ташқари валюта бозорини янада ривожлантириш чора-тадбирлари тўғрисида

Валюта курсини янада бирхиллаштиришга ҳамда валюта сиёсатини эркинлаштиришга кўмаклашувчи зарур шарт-шароитларни таъминлаш мақсадида Вазирлар Маҳкамаси **қарор қилади:**

1. Белгилаб қўйилсинки, 2002 йил 16 июлдан бошлаб импорт истеъмол товарлари ва хизматларни (шу жумладан транспорт ва алоқа) сотишдан олинган сўмдаги тушумни конвертация қилиш тижорат банклари томонидан, эркин курс бўйича хорижий валютага талаб ва таклифдан келиб чиққан ҳолда, белгиланган тартибда амалга оширилади.

2. Белгилансинки, истеъмол товарлари ва хизматларни (шу жумладан транспорт ва алоқа) импорт қилиш юзасидан мазкур қарор чиқишидан олдин тузилган ва ваколатли банклар томонидан ҳисобга қўйилган контрактларни бажариш ҳам тижорат

банклари томонидан эркин курс бўйича, хорижий валютага талаб ва таклифдан келиб чиққан ҳолда, белгиланган тартибда амалга оширилади,

3. Ўзбекистон Республикаси Адлия вазирлиги Марказий банк, Молия вазирлиги, Давлат божхона қўмитаси, Давлат солиқ қўмитаси билан биргаликда бир ой муддатда:

амалдаги қонун ҳужжатларига мазкур қарордан келиб чиқувчи ўзгартиришлар ва қўшимчалар киритиш юзасидан Вазирлар Маҳкамасига таклифлар киритсин;

идоравий норматив ҳужжатларнинг мазкур қарорга мувофиқлаштирилишини таъминласин.

4. Мазкур қарорнинг бажарилишини назорат қилиш Ўзбекистон Республикасининг Бош вазири Ў.Т. Султонов зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2002 йил, 12 июль,
247-сон

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

107 Жисмоний шахслар томонидан Ўзбекистон Республикаси ҳудудига товарлар олиб келинишини тартибга солишга доир қўшимча чора-тадбирлар тўғрисида

Жисмоний шахслар томонидан Ўзбекистон Республикаси ҳудудига товарлар олиб келинишини янада тартибга солиш, улар томонидан олиб келинган товарларнинг тўлиқ ҳисобга олиниши ва сотилиши устидан назоратни кучайтириш мақсадида Вазирлар Маҳкамаси **қарор қилади:**

1. Белгилаб қўйилсинки, 2002 йил 1 августдан бошлаб Ўзбекистон Республикаси ҳудудига товарлар олиб келишда жисмоний шахслардан ундириладиган ягона бож тўлови белгиланган тартибга ва тасдиқланган ставкаларга мувофиқ эркин алмаштириладиган валютада тўланади.

2. Ўзбекистон Республикаси Молия вазирлиги Марказий банк ва Давлат божхона қўмитаси билан биргаликда жисмоний шахслар томонидан олиб келинадиган товарлардан ундириладиган ягона бож тўловини ундириш тартибини ва бюджетга ўтказиш механизмини бир ҳафта муддатда ишлаб чиқсин ва тасдиқласин.

3. Белгилаб қўйилсинки, жисмоний шахслар томонидан товарлар транспорт ва транспорт-экспедиторлик ташкилотлари орқали олиб келинганда божхонада расмийлаштириш белгиланган тартибда ягона бож тўловини тўлаган ҳолда бевосита товар эгаси бўлган жисмоний шахслар томонидан амалга оширилади.

Транспорт ва транспорт-экспедиторлик ташкилотларининг ташилаётган юкларни божхонада расмийлаштириши тақиқлансин.

4. Ўзбекистон Республикаси Адлия вазирлиги манфаатдор вазирликлар ва идоралар билан биргаликда бир ой муддатда қонун ҳужжатларига мазкур қарордан ке-

либ чиқувчи ўзгартиришлар ва қўшимчалар киритиш юзасидан Ўзбекистон Республикаси Вазирлар Маҳкамасига таклифлар киритсин.

5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Азимов зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2002 йил 12 июль,
248-сон

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

108 Савдо ва умумий овқатланиш корхоналарига солиқ солиш тартиби тўғрисида

Вазирлар Маҳкамасининг «Ўзбекистон Республикаси Президентининг «Савдо ва умумий овқатланиш соҳасида солиққа тортиш тизимини янада такомиллаштириш тўғрисида»ги Фармонини амалга ошириш чора-тадбирлари ҳақида» 2002 йил 13 июндаги 208-сон қарорига мувофиқ Вазирлар Маҳкамаси **қарор қилади:**

1. Қуйидагилар:

«Чакана савдо соҳасида микрофирмалар ва кичик корхоналар томонидан белгиланган даромаддан олинadиган ягона солиқни ҳисоблаб чиқиш ва тўлаш тартиби тўғрисида»ги Низом 1-иловага мувофиқ;

«Савдо ва умумий овқатланиш корхоналарининг ялпи тушумидан олинadиган ягона солиқни ҳисоблаб чиқиш ва тўлаш тартиби тўғрисида»ги Низом 2-иловага мувофиқ тасдиқлансин.

2. Белгилаб қўйилсинки, савдо ва умумий овқатланиш корхоналарига солиқ солиш тартиби 2002 йил 1 июлдан бошлаб ўзгарганлиги муносабати билан ушбу корхоналарда ўша даврда амал қилган солиқ солиш тизимидан келиб чиққан ҳолда ўтган давр учун солиқлар тўлаш бўйича мажбуриятлар сақланиб қолади.

3. Белгилансинки, дори-дармон воситалари ва тиббиёт буюмларини сотувчи улгуржи савдо корхоналари қўшилган қиймат солиғи тўлашдан озод этилади.

4. Ўзбекистон Республикаси Молия вазирлиги ва Давлат солиқ қўмитаси:

мазкур қарорнинг 1-бандида кўрсатилган савдо ва умумий овқатланиш корхоналарига солиқ солиш бўйича низомларни солиқ тўловчилар эътиборига етказсинлар;

Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда савдо ва умумий овқатланиш корхоналарига солиқ солиш масалалари бўйича жойларда семинар-кенгашлар ўтказсинлар.

5. Қуйидагилар:

Вазирлар Маҳкамасининг «Савдо ва умумий овқатланиш корхоналарига солиқ солиш тартиби тўғрисида» 1998 йил 10 апрелдаги 153-сон қарори (Ўзбекистон Республикаси ҚТ, 1998 й., 4-сон, 14-модда);

Ўзбекистон Республикаси Вазирлар Маҳкамасининг «Ўзбекистон Республикаси Вазирлар Маҳкамасининг «Савдо ва умумий овқатланиш корхоналарига солиқ солиш тартиби тўғрисида» 1998 йил 10 апрелдаги 153-сон қарорига ўзгартиришлар киритиш ҳақида» 1999 йил 14 январдаги 20-сон қарори (Ўзбекистон Республикаси ҚТ, 1999 й., 1-сон, 5-модда);

Ўзбекистон Республикаси Вазирлар Маҳкамасининг «Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш тўғрисида» 2000 йил 30 августдаги 339-сон қарорига (Ўзбекистон Республикаси ҚТ, 2000 й., 8-сон, 55-модда) илованинг 1-банди ўз кучини йўқотган деб ҳисоблансин.

6. Ўзбекистон Республикаси Ҳукуматининг 3-иловага мувофиқ айрим қарорларига ўзгартириш ва қўшимчалар киритилсин.

7. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Азимов зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2002 йил 12 июль,
249-сон

Вазирлар Маҳкамасининг
2002 йил 12 июлдаги 249-сон қарорига
1-ИЛОВА

Чакана савдо соҳасида микрофирмалар ва кичик корхоналар томонидан белгиланган даромаддан олинадиган ягона солиқни ҳисоблаб чиқиш ва тўлаш тартиби тўғрисида НИЗОМ

I. Умумий қоидалар

1. Мазкур Низом чакана савдо соҳасида микрофирмалар ва кичик корхоналар томонидан белгиланган даромаддан олинадиган ягона солиқни ҳисоблаб чиқиш ва тўлаш тартибини белгилайди.

Мазкур Низомнинг амал қилиши аҳолига бензин, дизель ёнилғиси, транспорт воситаларига қуйиш учун газ сотувчи ҳамда савдо корхоналари учун назарда тутилган тартибда ялпи тушумдан ягона солиқ тўловчи автомобиль ёнилғиси қуйиш шохбчаларига татбиқ этилмайди.

2. Белгиланган даромаддан олинадиган ягона солиқ ўзида белгиланган физик кўрсаткич бирлигига белгиланган даромад миқдоридан (солиқ тўловчининг потенциал ялпи даромадидан) келиб чиқиб ҳисобланган солиқнинг қатъий белгиланган суммасини ифодалайди.

3. Чакана савдо соҳасида микрофирмалар ва кичик корхоналар учун белгиланган даромаддан олинадиган ягона солиқ:

солиқ солишнинг соддалаштирилган тизимини қўлловчи солиқ тўловчилар учун — ифлослантирувчи моддаларни табиий муҳитга чиқариб ташлаганлик, оқизганлик ва чиқитларнинг Ўзбекистон Республикаси ҳудудига жойлаштирилганлиги учун ягона солиқ ва тўлов ўрнига;

солиқ солишнинг соддалаштирилган тизимига ўтмаган солиқ тўловчилар учун — ялпи даромад солиғи ва мулк солиғи ўрнига жорий этилади.

4. Белгиланган даромаддан олинadиган ягона солиқни тўловчилар учун:

божхона тўловлари (божхона божлари ва йиғимлари, акциз солиғи ва товарларни импорт қилишда қўшилган қиймат солиғи);

давлат божлари;

савдо ҳуқуқини берувчи йиғимлар, шу жумладан товарларнинг айрим турлари билан савдо қилиш ҳуқуқига лицензия йиғимлари;

давлат мақсадли фондларига ажратмалар тўлашнинг амалдаги тартиби сақланиб қолади.

5. Белгиланган даромаддан олинadиган ягона солиқ тўловчиларга солиқ солишнинг бошқа тизимини танлаш ҳуқуқи жорий этилмайди.

6. Белгиланган даромаддан олинadиган ягона солиқ тўлашга ўтиш солиқ тўловчиларни Ўзбекистон Республикасининг амалдаги қонун ҳужжатлари ва норматив-ҳуқуқий ҳужжатлари билан белгиланган бухгалтерия ҳисобини юритиш ҳамда солиқ органлари ва бошқа давлат органларига бухгалтерия ва статистика ҳисоботларини тақдим этиш мажбуриятидан озод қилмайди.

7. Агар микрофирмалар ва кичик корхоналар асосий фаолияти — чакана савдодан ташқари фаолиятнинг бошқа турлари билан шуғуллансалар, у ҳолда улар фаолиятнинг ушбу турлари бўйича алоҳида ҳисоб юритишга ва фаолият турига қараб ёки ялпи тушумдан ягона солиқ тўлашга (улгуржи савдо, умумий овқатланиш) ёхуд микрофирмалар ва кичик корхоналар учун ягона солиқ тўлашга мажбурдирлар.

II. Солиқ тўловчилар

8. Чакана савдо соҳасидаги фаолиятни амалга оширувчи микрофирмалар ва кичик корхоналар белгиланган даромаддан олинadиган ягона солиқ тўловчилар (кейинги ўринларда «белгиланган даромаддан олинadиган ягона солиқ тўловчилар» деб юритилади) ҳисобланади.

«Тадбиркорлик фаолияти эркинлиги кафолатлари тўғрисида»ги Ўзбекистон Республикаси Қонунининг 5-моддасига мувофиқ чакана савдо соҳасида ходимларнинг ўртача йиллик сони кўпи билан 5 киши бўлган корхоналар микрофирмалар, ходимларнинг ўртача йиллик сони кўпи билан 10 киши бўлган корхоналар кичик корхоналар ҳисобланади.

9. Юридик шахсни давлат рўйхатидан ўтказиш тўғрисидаги гувоҳномада кўрсатилган корхона фаолияти коди белгиланган даромаддан олинadиган ягона солиқ тўловчиларни аниқлашнинг асосий мезони ҳисобланади.

III. Солиқ солиш объекти

10. Фойдаланиладиган умумий майдон, шу жумладан ижарага олинган майдон белгиланган даромаддан олинadиган ягона солиқ солиш объекти ҳисобланади.

Қуйидаги турғун майдонлар:

харидорларга хизмат кўрсатилadиган ва бевосита товарлар сотилadиган савдо зали;

харидорларга қўшимча хизмат кўрсатиш жойлари (газламани бичиш бўлимлари, тайёр қўйлакни жуссага мослаш устахоналари, янги товарларни намоиш қилиш заллари, хизмат кўрсатиш бюроси ва сақлаш камералари, ўйиб ёзиш устахоналари ва майший приборлар ва пойабзални майда таъмирлаш устахоналари, товарларни кредитга сотишни расмийлаштириш хоналари);

товарларни қабул қилиш, сақлаш ва сотишга тайёрлаш жойлари (омбор бинолари) солиқ солиш мақсадлари учун умумий фойдаланиладиган майдон сифатида тушунилади.

IV. Белгиланган даромаддан олинадиган ягона солиқни ҳисоблаб чиқиш тартиби ва унинг ставкалари

11. Белгиланган даромаддан олинадиган ягона солиқ суммаси:

умумий фойдаланиладиган майдон ҳажмидан;

базавий ставкалардан;

корхонанинг жойлашган жойига ва сотиладиган товарлар турларига қараб тузатиш киритувчи коэффициентлардан келиб чиққан ҳолда ҳисоблаб чиқилади.

12. Белгиланган даромаддан олинадиган ягона солиқнинг базавий ставкаси ва белгиланган (базавий) ставкага тузатувчи коэффициентлар миқдорлари савдо шохобчасининг жойлашган жойига ва сотиладиган товарлар турларига қараб Ўзбекистон Республикаси Вазирлар Маҳкамаси томонидан тасдиқланади.

Сотиладиган товарлар турларига қараб белгиланган ставкага тузатувчи коэффициентлар миқдорлари ва товарларнинг аралаш турлари билан савдо қилишда уларни қўллашга мисол мазкур Низомга 1-иловада келтирилади.

Савдо ёки омбор майдони ижарага берилган тақдирда, ижарага берувчи белгиланган даромаддан олинадиган ягона солиқни тузатувчи коэффициентларни қўллагандан ҳисоблаб чиқади.

13. Белгиланган даромаддан олинадиган ягона солиқ ставкаларининг аниқ миқдорлари Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан уларнинг базавий ставкаларидан ва савдо корхонаси жойлашган жойга қараб тузатувчи (пасайтирувчи, оширувчи) коэффициентлардан келиб чиқиб белгиланади ва ўз ҳудудида жойлашган солиқ тўловчилар эътиборига етказилади.

$$C = B \times K_m$$

бунда:

C — белгиланган даромаддан олинадиган ягона солиқнинг Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан белгиланадиган аниқ ставкаси;

B — Вазирлар Маҳкамаси томонидан тасдиқланадиган базавий ставка;

K_m — савдо корхонаси жойлашган жойга қараб тузатувчи коэффициентлар.

Ставкаларнинг миқдорларини белгилашда:

савдо фаолияти амалга ошириладиган аҳоли пункти типи;

аҳоли пункти ичида савдо фаолияти амалга ошириладиган жой (марказ, чекка жой, транспорт чорраҳаси ва бошқалар);

агар фаолият аҳоли пунктдан ташқарида амалга оширилса, жойнинг хусусияти (автомагистраль тури ва бошқалар);

корхонанинг савдо базалари ва улгуржи бозорлардан йироқлиги ҳисобга олинди.

14. Белгиланган даромаддан олинадиган ягона солиқ қуйидаги формула бўйича ҳисоблаб чиқилади:

N=PxCxKp

бунда:

N — белгиланган даромаддан олинадиган ягона солиқ суммаси;

P — умумий фойдаланиладиган майдон;

C — Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан белгиланадиган даромаддан олинадиган ягона солиқнинг аниқ ставкаси;

Kp — сотиладиган товарлар турларига қараб тузатувчи коэффициент.

Белгиланган даромаддан олинадиган ягона солиқни ҳисоблаб чиқишга мисол мазкур Низомга 2-иловада келтирилади.

V. Солиқ тўловчиларни ҳисобга олиш тартиби

15. Чакана савдо соҳасида фаолиятни амалга оширувчи микрофирмалар ва кичик корхоналар солиқ тўлашнинг белгиланган муддатигача мазкур Низомга 3-иловага мувофиқ шакл бўйича ариза тақдим этиш йўли билан рўйхатдан ўтказиш жойи бўйича давлат солиқ хизмати органларида белгиланган даромаддан олинадиган ягона солиқ тўловчи сифатида ҳисобга туришга мажбурдирлар. Аризага мазкур Низомга 4-иловага мувофиқ шакл бўйича солиқ суммасининг ҳисоб-китоби илова қилинади.

16. Давлат солиқ хизмати органлари белгиланган даромаддан олинадиган ягона солиқ тўловчи сифатида микрофирмалар ва кичик корхоналарни ҳисобга қўйиш тўғрисида ариза олингандан кейин ҳисоб-китобда келтирилган маълумотлар асосида ҳисоблаб чиқилган солиқ суммаси тўғри акс этирилганлигини текшириб, мазкур аризани бир иш куни мобайнида кўриб чиқишлари шарт.

17. Микрофирмалар ва кичик корхоналарнинг бир нечта савдо шохобчалари мавжуд бўлган тақдирда, ягона солиқ суммаси ҳисоби савдо шохобчаси жойлашган жой бўйича белгиланган солиқ ставкасидан келиб чиқиб ҳар бир савдо шохобчаси бўйича амалга оширилади. Бунда тақдим этиладиган ҳисоб-китоб шаклида ҳар бир савдо шохобчаси жойлашган жойи кўрсатилган ҳолда алоҳида сатрда кўрсатилади. Солиқ бўйича ҳисоб-китоб микрофирмалар ва кичик корхоналарни рўйхатдан ўтказиш бўйича давлат солиқ хизмати органларига тақдим этилади. Юридик шахс ҳисобланмаган ҳар бир савдо шохобчаси ҳисобга қўйилганликни тасдиқлаш учун солиқ ҳисоб-китобининг нусхасига эга бўлиши керак.

18. Ҳисоб-китобда кўрсатилган солиқ солиш объекти (умумий фойдаланиладиган майдон) солиқ ставкаси ўзгарган тақдирда, энг кам ойлик иш ҳақи ва бошқа кўрсаткичлар ўзгариши муносабати билан солиқ тўловчилар давлат солиқ хизмати органларига ўзгартирилган ҳисоб-китобни ўзгартирилган шарт-шароитларда фаолиятни амалга ошириш бошлангунгача тақдим этишлари шарт.

VI. Белгиланган даромаддан олинадиган ягона солиқни тўлаш тартиби ва муддатлари

19. Белгиланган даромаддан олинадиган ягона солиқ тақдим этилган ҳисоб-китоб асосида ҳисобот ойдан кейинги ойнинг 15-қунидан кечикмай ҳар ойда тўланади ва тўлиқ миқдорда маҳаллий бюджетга ўтказилади.

20. Бюджет билан ҳисоб-китобларнинг бухгалтерия ҳисоби бюджетга тўловлар бўйича қарздорликни ҳисобга олиш ҳисоб рақами бўйича юритилади (турлар бўйича).

Ҳисобланган белгиланган даромаддан олинадиган ягона солиқ суммаси:
давр харажатларини ҳисобга олиш ҳисоб рақами дебети;
бюджетга тўловлар бўйича қарздорликни ҳисобга олиш ҳисоб рақами кредити
бўйича акс эттирилади.

VII. Яқуний қоидалар

21. Белгиланган даромаддан олинадиган ягона солиқ тўловчилар солиқ солишнинг белгиланган тартиби бузилганлиги учун Ўзбекистон Республикасининг амалдаги қонун ҳужжатларига мувофиқ жавоб берадилар.

22. Давлат солиқ хизмати органлари:

Ўзбекистон Республикасининг Солиқ кодексига, «Давлат солиқ хизмати тўғрисида»ги Ўзбекистон Республикаси Қонунига ва Ўзбекистон Республикасининг бошқа қонун ҳужжатларига мувофиқ белгиланган даромаддан олинадиган ягона солиқни тўлашнинг белгиланган тартибига риоя этилишини назорат қиладилар;

чакана савдо корхоналарида солиқ солиш объектининг тақдим этилган белгиланган даромаддан олинадиган ягона солиқ ҳисоб-китобига мувофиқлиги юзасидан танлаб мунтазам текширишлар ўтказилишини назарда тутувчи белгиланган даромаддан олинадиган ягона солиқнинг бюджетга тўлиқ ва ўз вақтида тушиши, шунингдек мазкур солиқнинг корхоналар фаолияти натижаларига таъсири ва бюджет тушумлари мониторингини амалга оширадилар.

Чакана савдо соҳасида микрофирмалар ва кичик корхоналар томонидан белгиланган даромаддан олинадиган ягона солиқни ҳисоблаб чиқиш ва тўлаш тартибига
1-ИЛОВА

Сотиладиган товарларнинг турларига қараб жойлардаги давлат ҳокимияти органлари томонидан белгиланган ставкаларга тузатувчи коэффицентлар

Т/р	Товарлар номи	Коэффицент*
1.	Тамаки маҳсулотлари ва алкоғолли маҳсулотлар	1,5
2.	Автомобиллар, автомобиллар учун эҳтиёт қисмлар ва аксессуарлар	2,0
3.	Тери ва мўйнадан ясалган буюмлар, кийим-бош ва пойабзал	1,2
4.	Қурилиш, пардозлаш материаллари ва қурилиш ускуналари ва инструментлар	1,2
5.	Маиший техника, ташкилий техника, ёритиш приборлари, алоқа, кино ва фототехника воситалари, шунингдек уларга анжомлар	1,5
6.	Мебель, гилам ва гиламбоп буюмлар	1,5
7.	Заргарлик буюмлари, қимматбаҳо металллардан ясалган буюмлар	1,5
8.	Чинни ва биллурдан ясалган идишлар	1,2
9.	Бошқа товарлар, шу жумладан озиқ-овқат товарлари	1,0

* Аралаш ассортимент билан савдо қилишда сотиладиган товарларнинг айрим турлари учун белгиланган тузатувчи коэффицентнинг энг кўп миқдори қўлланилади.

Аралаш ассортимент билан савдо қилишда тузатувчи коэффициентларни қўллашга мисол:

	Сотиладиган товарларнинг турига қараб тасдиқланган тузатувчи коэффициент
Корхона қуйидагиларни согади:	
1. Агторлик моллари	1,0
2. Тамаки маҳсулотлари ва алкогольли маҳсулотлар	1,5
3. Мебель, гилам ва гиламбоп буюмлар	1,5
4. Автомобиллар учун эҳтиёт қисмлар ва аксессуарлар	2,0

Мазкур корхона учун белгиланган даромаддан олинадиган ягона солиқни ҳисоблаб чиқишда солиқнинг белгиланган ставкасига 2,0 миқдорида тузатувчи коэффициент, яъни сотиладиган товарларнинг мазкур турлари учун белгиланган тузатувчи коэффициентнинг энг кўп миқдори қўлланилади.

Чакана савдо соҳасида микрофирмалар ва кичик корхоналар томонидан белгиланган даромаддан олинадиган ягона солиқни ҳисоблаб чиқиш ва тўлаш тартибига
2-ИЛОВА

**Бир ой учун белгиланган даромаддан олинадиган ягона солиқ
(шартли мисол)
ҲИСОБ – КИТОБИ**

Мебель сотувчи корхонанинг тавсифи:

1. Умумий фойдаланиладиган майдон — 45 кв.м.;
2. Жойлашган жойи — вилоят шаҳри;
3. Жойлардаги давлат ҳокимияти органлари томонидан белгиланган аниқ ставка — 1 квадрат метрга ойига энг кам ойлик иш ҳақининг ярми;
4. Сотиладиган товарлар (мебель) туридан келиб чиққан ҳолда ставканинг белгиланган миқдorigа тузатувчи коэффициент — 1,5.

Т/р	Кўрсаткичлар	Ўлчов бирлиги	Сумма
1.	Умумий фойдаланиладиган майдон	кв.метр	45
2.	Бир кв. метрга ойига жойлардаги давлат ҳокимияти органлари томонидан белгиланган ставканинг аниқ миқдори	Энг кам ойлик иш ҳақи	0,5
3.	Ҳисобот ойидаги энг кам иш ҳақи	сўм	4535
4.	Сотиладиган маҳсулотнинг турига қараб ставканинг белгиланган миқдorigа тузатувчи коэффициент		1,5
5.	Белгиланган даромаддан олинадиган ягона солиқ суммаси (1 сатр x 2 сатр x 3 сатр x 4 сатр)	сўм	153056,3

Шундай қилиб, белгиланган даромаддан олинадиган ягона солиқ суммаси қуйидагига тенг бўлади:

$$N=45 \times 0,5 \times 4535 \times 1,5= 153056,3 \text{ сўм}$$

Чакана савдо соҳасида микрофирмалар ва кичик корхоналар томонидан белгиланган даромаддан олинадиган ягона солиқни ҳисоблаб чиқиш ва тўлаш тартибига
3-ИЛОВА

Юридик шахс штампи

солиқ органининг штампи ёки қайди

_____ туман (шаҳар)

давлат солиқ инспекциясига

Солиқ тўловчи _____

_____ да олинди

(юридик шахснинг

(сана)

номи)

Ҳисоб-китоб учун масъул шахс _____

(лавозими, Ф.И.О.)

Солиқ тўловчининг
идентификация рақами

--	--	--	--	--	--	--	--	--	--	--	--	--	--	--	--	--	--	--	--

ХХТУТ

--	--	--	--	--	--	--	--	--	--	--	--	--	--	--	--	--	--	--	--

Телефон _____

Тўловчининг манзили _____

Ҳисоб-китоб рақами _____

(банк муассасасининг номи, код)

_____ ни белгиланган даромаддан

(юридик шахснинг номи)

олинадиган ягона солиқ тўловчи сифатида ҳисобга қўйиш тўғрисида

АРИЗА

Сиздан _____

(микрофирма,

кичик корхонанинг номи)

белгиланган даромаддан ягона солиқ тўловчи сифатида рўйхатдан ўтказишингизни
илтимос қиламиз

Корхона раҳбари

(имзо)

(Ф.И.О.)

Бош бухгалтер

(имзо)

(Ф.И.О.)

200__ йил «__» _____

М. Ў.

Чакана савдо соҳасида микрофирмалар ва кичик корхоналар томонидан белгиланган даромаддан олинадиган ягона солиқни ҳисоблаб чиқиш ва тўлаш тартибига
4-ИЛОВА

Юридик шахс штампи

солиқ органининг
штампи ёки қайди

_____ туман(шаҳар)

давлат солиқ инспекциясига

Солиқ тўловчи _____
(юридик шахснинг

олинди _____
(сана)

_____ номи)

Ҳисоб-китоб учун масъул шахс _____

_____ (лавозими, Ф.И.О.)

Солиқ тўловчининг идентификация рақами

--	--	--	--	--	--	--	--	--	--

ХХТУТ

--	--	--	--	--

Телефон _____

Тўловчининг манзили _____

Ҳисоб-китоб рақами _____
(банк муассасасининг номи, код)

**Чакана савдо соҳасида микрофирмалар ва кичик
корхоналар учун белгиланган даромаддан олинадиган
ягона солиқ
ҳисоб-китоби**

Савдо шохобчаси жойлашган жой	Умумий фойдаланиладиган майдон (кв. метрларда)	Жойлардаги давлат ҳокимияти органлари томонидан белгиланган ягона солиқ ставкасининг аниқ миқдори (энг кам ойлик иш ҳақи ҳисобида)	Энг кам ойлик иш ҳақи миқдори (бир ойда)	Сотиладиган маҳсулотнинг турига қараб ставканинг белгиланган миқдорига тузатувчи коэффициент	Белгиланган даромаддан олинадиган ягона солиқ суммаси (сўм) (2-устун х 3-устун х 4-устун х 5-устун)
1	2	3	4	5	6

Чакана савдо соҳасидаги фаолиятни амалга оширишдан олинадиган белгиланган даромаддан олинадиган ягона солиқ 200__ йил* _____ дан бошлаб сўмни ташкил этади.
(ёзув билан)

Корхона раҳбари _____

_____ (имзо)

_____ (Ф.И.О.)

* Солиқ ҳисобланадиган сана кўрсатилади.

Бош бухгалтер

(имзо)

(Ф.И.О.)

Ушбу ҳисоб-китоб бўйича солиқ тўловчининг шахсий рақамига ҳар ойда _____ сўм

ўтказилади.

Солиқ инспектори

(имзо)

(Ф.И.О.)

Вазирлар Маҳкамасининг
2002 йил 12 июлдаги 249-сон қарорига
2-ИЛОВА

**Савдо ва умумий овқатланиш корхоналарининг ялпи тушумидан (товар айланмаси ҳажмидан) олинадиган ягона солиқни ҳисоблаб чиқиш ва тўлаш тартиби тўғрисида
НИЗОМ**

I. Умумий қоидалар

1. Ушбу Низом Ўзбекистон Республикаси Вазирлар Маҳкамасининг «Ўзбекистон Республикаси Президентининг «Савдо ва умумий овқатланиш соҳасида солиққа тортиш тизимини янада такомиллаштириш тўғрисида»ги Фармони амалга ошириш чора-тадбирлари ҳақида» 2002 йил 13 июндаги 208-сон қарорига мувофиқ ишлаб чиқилган ҳамда савдо ва умумий овқатланиш корхоналарининг ялпи тушумидан (товар айланмаси ҳажмидан) олинадиган ягона солиқни ҳисоблаш ва тўлаш тартибини белгилайди.

Ушбу Низомнинг амал қилиши чакана савдо соҳасида белгиланган даромаддан олинадиган ягона солиқ тўловчилар ҳисобланадиган микрофирмалар ва кичик корхоналарга татбиқ этилмайди.

2. Савдо ва умумий овқатланиш корхоналари, шу жумладан микрофирмалар ва кичик корхоналар ялпи даромад солиғи, мулк солиғи, шунингдек ялпи даромаддан олинадиган ягона солиқ тўлаш ўрнига кейинги ўринларда «ялпи тушумдан ягона солиқ» деб аталадиган ялпи тушумдан (товар айланмаси ҳажмидан) ягона солиқ тўлайдилар.

3. Ялпи тушумдан олинадиган ягона солиқ тўловчилар учун:

божхона тўловлари (товарларни импорт қилишда божхона божлари ва йиғимлари, акциз солиғи ва қўшилган қиймат солиғи);

давлат божлари;

савдо ҳуқуқи учун йиғим, шу жумладан товарларнинг айрим турлари билан савдо қилиш ҳуқуқи учун лицензия йиғимлари;

давлат мақсадли жамғармаларига ажратмалар тўлашнинг амалдаги тартиби сақланиб қолади.

4. Улгуржи савдо корхоналари ушбу Низомнинг 1 ва 2-бандларида кўрсатилган солиқлар ва йиғимларни тўлаш билан бир қаторда, шунингдек умумий равишда белгиланган тартибда қўшилган қиймат солиғи ҳам тўлайдилар.

Шу муносабат билан, улгуржи савдо корхоналари омборлардаги товарлар қолдиқларини 2002 йил 1 июлдаги ҳолатига кўра хатловдан ўтказадилар ва тегишли

хужжатлар (счѐт-фактуралар, ГТД) билан тасдиқланган ушбу товарлар бўйича қўшилган қиймат солиғининг тўланган суммасини ажратиб кўрсатадилар.

Шу билан бирга, қўшилган қиймат солиғининг тўланган суммаси алоҳида ҳисоб рақамида жамланади ва ушбу товарларнинг сотилишига қараб ҳисобга киритилади.

5. Савдо корхоналари уларга Вазирлар Маҳкамаси ёки жойлардаги давлат ҳокимияти органлари қарорларига биноан уларга ижарага берилган ер учун ижара тўловидан озод қилинадилар.

II. Солиқ тўловчилар

6. Савдо ва умумий овқатланиш корхоналари (кейинги ўринларда корхоналар деб аталади) ялпи тушумдан олинадиган ягона солиқ тўловчилар ҳисобланади.

Юридик шахснинг давлат рўйхатидан ўтказилгани тўғрисидаги гувоҳномада кўрсатилган корхона фаолияти коди ялпи тушумдан ягона солиқ тўловчиларни аниқлашнинг асосий мезони ҳисобланади.

Агар корхоналар фаолиятнинг асосий тури билан бир қаторда савдо ёки умумий овқатланиш фаолияти билан шуғулланса, улар ушбу фаолият бўйича алоҳида ҳисоб юритишга ва ушбу Низомда назарда тутилган тартибда ялпи тушумдан олинадиган ягона солиқ тўлашга мажбурдир.

III. Солиқ солиш объекти ва уни ҳисоблаш тартиби

7. Корхонанинг ялпи тушуми ялпи тушумдан ягона солиқ олиш объекти ҳисобланади.

Ялпи тушум таркибига қуйидагилар киритилади:

товарлар сотишдан (ишлар, хизматларни амалга оширишдан) тушум суммаси;

бошқа нарсаларни (мол-мулк ва бошқа активларни) сотишдан олинган даромадлар;

Ўзбекистон Республикасининг Солиқ кодексида назарда тутилган бошқа даромадлар. Шу билан бирга, курс бўйича ижобий ва салбий тафовут ўртасидаги сальдо балансинг валюта моддаларини қайта баҳолашдан олинадиган даромад ҳисобланади.

8. Солиқ солиш мақсадлари учун ялпи тушумдан қуйидагилар чегирилади:

маҳсулотни сотиш бўйича айланмалар учун ҳисобланган қўшилган қиймат солиғи суммаси¹;

автотранспорт воситаларига қуйиш учун бензин, дизель ёнилғиси ва газдан фойдаланганлик учун жисмоний шахслардан олинган солиқ суммаси²;

тўлов манбаидан улар бўйича солиқ тўланган дивидендлар ва фоизлар тарзида олинган даромадлар;

давлат облигациялари ва бошқа давлат қимматли қоғозлари бўйича дивидендлар ва фоизлар тарзида олинган даромадлар.

IV. Ялпи тушумдан олинадиган ягона солиқ ставкалари

9. Ялпи тушумдан олинадиган ягона солиқ Ўзбекистон Республикаси Вазирлар Маҳкамаси томонидан:

фаолият турига (улгуржи ва чакана савдо, умумий овқатланиш);

¹ улгуржи савдо корхоналари учун.

² автомобилларга ёнилғи қуйиш шохобчалари учун

корхонанинг жойлашган жойига (шаҳар, қишлоқ, узоқ ва тоғли туманлар) қараб белгиланадиган ставкалар бўйича тўланади.

Ялпи тушумдан олинadиган ягона солиқ ставкалари ушбу Низомга 1-иловада келтирилган.

V. Ҳисоблаш тартиби ва тўлаш муддатлари

10. Ялпи тушумдан олинadиган ягона солиқ қуйидаги формула бўйича аниқланади:

$$N = V \times C$$

бунда: **N** — ялпи тушумдан олинadиган ягона солиқ суммаси;

V — ҳисобот ойидаги ялпи тушум;

C — ялпи тушумдан олинadиган ягона солиқ ставкаси.

Бу ҳолда, ҳисобот ойидаги ялпи тушум суммаси базавий суммадан камайган тақдирда солиқни ҳисоблаш базавий ялпи тушумдан келиб чиққан ҳолда амалга оширилади. Базавий ялпи тушум учун олдинги чоракдаги ялпи тушумнинг ўртача ойлик миқдори қабул қилинади. Ушбу шароитларда ялпи тушумдан олинadиган ягона солиқ қуйидаги формула бўйича аниқланади:

$$N = Bv \times C$$

бунда: **N** — ялпи тушумдан олинadиган ягона солиқ суммаси;

Bv — базавий ялпи тушум (олдинги чоракдаги ялпи тушумнинг ўртача ойлик миқдори);

C — ялпи тушумдан олинadиган ягона солиқ ставкаси.

Ялпи тушумдан олинadиган ягона солиқни ҳисоблашга мисол ушбу Низомга 2-иловада келтирилган.

11. Янги ташкил этилган корхоналар ялпи тушумдан олинadиган ягона солиқни фаолиятнинг биринчи чораги мобайнида, ҳисобот ойидаги ҳақиқий ялпи тушумдан келиб чиққан ҳолда тўлайдилар.

12. Ялпи тушумдан олинadиган ягона солиқ бўйича ушбу Низомга 3-иловага мувофиқ ҳисоб-китоб тўловчилар томонидан рўйхатдан ўтказилган жойдаги давлат солиқ хизмати органларига ҳар ойда, ҳисобот ойдан кейинги ойнинг 15-кунидан кечикмай тақдим этилади.

13. Тўловчилар ялпи тушумдан олинadиган ягона солиқни ҳисоб-китобларни топшириш учун белгиланган муддатдан кечикмай тўлайдилар.

14. Бюджет билан ҳисоб-китобларнинг бухгалтерия ҳисоби бюджетга тўловлар (солиқ турлари) бўйича қарзларни ҳисобга олиш ҳисоб рақами бўйича юритилади.

Ҳисобланган солиқ суммаси:

солиқлар ва йиғимларни тўлаш учун фойдадан фойдаланишни ҳисобга олиш ҳисоб рақами дебети бўйича;

бюджетга тўловлар бўйича қарзни ҳисобга олиш ҳисоб рақами кредити бўйича акс эттирилади.

Бюджетга ўтказилган солиқ суммаси:

бюджетга тўловлар бўйича қарзни ҳисобга олиш ҳисоб рақами дебети бўйича;

пул маблағларини ҳисобга олиш ҳисоб рақами кредити бўйича акс эттирилади.

VI. Яқуний қоидалар

15. Тўловчилар ялпи тушумдан (товар айланмаси ҳажмидан) олинадиган ягона солиқнинг тўғри ҳисобланиши ва ўз вақтида тўланиши учун Ўзбекистон Республикасининг амалдаги қонун ҳужжатларига мувофиқ жавоб берадилар.

Ялпи тушумни (товар айланмаси ҳажмини) яшириш ҳоллари аниқланган тақдирда солиқ тўловчидан тушумнинг яширилган жами суммаси ва ана шу суммадаги жарима ундирилади.

16. Давлат солиқ хизмати органлари:

ялпи тушумга ягона солиқ солишнинг белгиланган қоида­сига риоя этилиши ус­тидан Ўзбекистон Республикаси Солиқ кодексига, «Давлат солиқ хизмати тўғриси­да»ги Ўзбекистон Республикаси Қонунига ва Ўзбекистон Республикасининг бошқа қонун ҳужжатларига мувофиқ назоратни амалга оширадилар;

ялпи даромаддан олинадиган ягона солиқнинг бюджетга тўлиқ ва ўз вақтида ту­шиши устидан мониторингни таъминлайди, ушбу мониторинг савдо ва умумий овқат­ланиш корхоналарида ялпи тушум ҳажмининг ягона солиқ суммаси бюджетга тўлиқ тушишига мувофиқлиги юзасидан мунтазам равишда танлаб текширувлар ўтказишни назарда тутди. Аниқланган тафовутлар ялпи тушумни яшириш деб ҳисобланади ва бунинг учун қонунчиликда назарда тутилган жавобгарлик чоралари қўлланади.

Савдо ва умумий овқатланиш корхоналарининг ялпи тушумидан (товар айланмаси ҳажмидан) олинадиган ягона солиқни ҳисоблаб чиқиш ва тўлаш тартиби тўғрисидаги Низомга
1-ИЛОВА

Ялпи тушумдан олинадиган ягона солиқ ставкалари

Тўловчилар	Корхоналар бўйича уларнинг жойлашган жойига қараб солиқ ставкалари (ялпи тушум ҳажмига нисбатан физ ҳисобида)	
	шаҳар ва қишлоқ жойларда	узоқ ва тоғли туманларда
Улгуржи, чакана савдо	5	3
Умумий овқатланиш	10	7

Савдо ва умумий овқатланиш корхоналарининг ялпи тушумидан (товар айланмаси ҳажмидан) олинадиган ягона солиқни ҳисоблаб чиқиш ва тўлаш тартиби тўғрисидаги Низомга
2-ИЛОВА

Июль ойи учун ялпи тушумдан олинадиган ягона солиқ ҳисоб-китоби

(шартли мисол)

Т/р	Кўрсаткичлар	Ўлчов бирлиги	1-вариант	2-вариант
1.	II чорақтадаги ялпи тушум	минг сўм	60600	60600
2.	II чорақтадаги (апрель-июнь) ялпи тушумнинг ўртача ойлик миқдори — базавий тушум (1-сатрдагининг учдан бир қисми)	минг сўм	20200	20200
3.	Бир ой (июль)даги ҳақиқий олинган ялпи тушум	минг сўм	20800	18200
4.	Солиқ солинадиган тушум	минг сўм	20800	20200*
5.	Солиқнинг белгиланган ставкаси	%	5	5
6.	Ялпи тушумдан олинадиган ягона солиқ суммаси (4-сатр x 5-сатр/100)	минг сўм	1040	1010

* ҳисобот ойидаги ялпи тушум базавий миқдорга нисбатан камайган тақдирда солиқни ҳисоблаб чиқариш базавий ялпи тушумдан келиб чиққан ҳолда амалга оширилади.

Савдо ва умумий овқатланиш корхоналарининг ялпи тушумидан (товар айланмаси ҳажмидан) олинадиган ягона солиқни ҳисоблаб чиқиш ва тўлаш тартиби тўғрисидаги Низомга
3-ИЛОВА

Юридик шахс штампи

_____ тумани (шаҳри)
давлат солиқ инспекциясига
Солиқ тўловчи _____
(юридик шахснинг

Солиқ органининг штампи
ёки белгиси
олинди _____
(сана)

номи)

Ҳисоб-китоб учун масъул шахс

_____ (лавозими, Ф.И.О.)

Солиқ тўловчининг идентификация рақами

ХХТУТ

Телефон _____

Тўловчининг манзили _____

Ҳисоб-китоб

рақами _____

(банк муассасасининг номи, код)

**Савдо ва умумий овқатланиш корхоналарининг
ялпи тушумидан олинадиган ягона солиқ
ҲИСОБ-КИТОБИ**

200__ йил _____ учун
(ҳисобот оyi)

Т/р	Кўрсаткичлар	Суммаси
1.	Олдинги чоракдаги ялпи тушумнинг ўртача ойлик миқдори — базавий тушум	
2.	Ҳисобот оyiдаги ялпи тушум (товар айланмаси)	
3.	Ҳисоб-китоб учун қабул қилинаётган ялпи тушум*	
4.	Ялпи тушумдан чегирмалар**	
5.	Солиқ солинаётган тушум (3-сатр – 4-сатр)	
6.	Ягона солиқ ставкаси (фoиз)	
7.	Тўланадиган ягона солиқ суммаси	

Корхона раҳбари

_____ (имзо)

_____ (Ф.И.О.)

Бош бухгалтер

_____ (имзо)

_____ (Ф.И.О.)

Солиқ инспектори

М.Ў.

_____ (имзо)

_____ (Ф.И.О.)

Вазирлар Маҳкамасининг
2002 йил 12 июлдаги 249-сон қарорига
3-ИЛОВА

**Ўзбекистон Республикаси Ҳукуматининг айрим қарорларига
киритилаётган ўзгартириш ва қўшимчалар**

1. Ўзбекистон Республикаси Вазирлар Маҳкамасининг «Солиқ солишнинг соддалаштирилган тизимига ўтган микрофирмалар ва кичик корхоналарга солиқ солиш тартиби тўғрисида» 1998 йил 15 апрелдаги 159-сон қарори (Ўзбекистон Республикаси ҚТ, 1998 й., 4-сон, 15-модда; 1999 й., 11-сон, 64-модда; 2000 й., 8-сон, 45-модда; 2001 й., 6-сон, 34-модда) билан тасдиқланган Микрофирмалар ва кичик корхоналар учун солиқ солишнинг соддалаштирилган тизimini қўллаш тартибида:

а) I бўлим 2-бандининг иккинчи хат бошига «солиқ солишнинг алоҳида тартиби белгиланган тадбиркорлик фаолиятининг айрим турларини амалга оширувчи микрофирмалар ва кичик корхоналар бундан мустасно» сўзлари қўшилсин;

б) III бўлим 1-бандининг иккинчи хат боши қуйидаги таҳрирда баён қилинсин: «харид қилувчи, таъминот-сотиш корхоналари учун — ялпи даромад».

* қуйидаги ҳолларда:
ҳисобот давридаги ялпи тушум базавийдан ошганда (2-сатр>1-сатр) 3-сатрда 2-сатрдаги микдор кўрсатилади;
ҳисобот оyiдаги ялпи тушум базавийдан камайганда (2-сатр<1-сатр) 3-сатрда 1-сатрдаги микдор кўрсатилади;
** Ҳисоб-китобга ялпи тушумдан аниқ чегирмалар рўйхати илова қилинади.

2. Ўзбекистон Республикаси Вазирлар Маҳкамасининг «Ижтимоий аҳамиятга эга бўлган истеъмол товарлари билан савдо қилишни тартибга солишга доир қўшимча чора-тадбирлар тўғрисида» 2001 йил 31 октябрдаги 433-сон қарори (Ўзбекистон Республикаси ҚТ, 2001 й., 10-сон, 61-модда) 1-бандининг биринчи хат бошидаги «воситачилар сонидан қатъи назар, кўпи билан 25 фоиз миқдорида белгиланадиган чекланган савдо устамаси қўлланган ҳолда» сўзлари чиқариб ташлансин.

3. Ўзбекистон Республикаси Вазирлар Маҳкамасининг «Ўзбекистон Республикасининг 2002 йилги асосий макроиқтисодий кўрсаткичлари прогнози ва Давлат бюджети параметрлари тўғрисида» 2001 йил 31 декабрдаги 490-сон қарориди:

- а) 9-банднинг учинчи хат бошидаги «суюлтирилган» сўзи чиқариб ташлансин;
- б) 12-банднинг тўртинчи хат боши чиқариб ташлансин;
- в) 4 ва 5-иловалар ўз кучини йўқотган деб ҳисоблансин;
- г) 7-илова жадвалидаги «савдо (харид қилувчи, савдо-воситачилик, улгуржи-сотиш, таъминот) корхоналари, шу жумладан умумий овқатланиш» сўзлари «харид қилувчи, таъминот-сотиш корхоналари» сўзлари билан алмаштирилсин;
- д) 10-илова жадвалидаги 1-3 сатрлар, шунингдек изоҳнинг 3-банди чиқариб ташлансин;
- е) 18-илова жадвалидаги «транспорт воситалари учун суюлтирилган газ» сўзлари «транспорт воситалари учун газ» сўзлари билан алмаштирилсин.

4. Ўзбекистон Республикаси Вазирлар Маҳкамасининг «Ўзбекистон Республикаси Президентининг «Савдо ва умумий овқатланиш соҳасида солиққа тортиш тизimini янада такомиллаштириш тўғрисида»ги Фармонини амалга ошириш чора-тадбирлари ҳақида» 2002 йил 13 июндаги 208-сон қарорига 4-иловада:

- а) 1.1 ва 1.2-бандлардаги «заргарлик буюмлари» позицияси чиқариб ташлансин;
- б) 1.3-банддаги «заргарлик буюмлари» сўзлари чиқариб ташлансин;
- в) изоҳга қуйидаги мазмундаги хат боши қўшилсин:
«Аралаш савдо (озиқ-овқат ва ноозиқ-овқат товарлари билан) позицияси бўйича 1.1-бандда назарда тутилган базавий ставкалар ва базавий ставкага ўзгартирувчи коэффициентлар ушбу бандда алоҳида кўрсатилмаган ноозиқ-овқат товарлари билан турғун савдо шохобчалари орқали чакана савдога ҳам татбиқ этилади».